





2-25-6-27




# OPOBALSAMI ORIENTALIS

In conficienda Theriaca  
Romæ adhibiti.

## MEDICAE PROPVGNATIONES

Auctore

**BALDO BALDO FLORENTINO,**  
*in Alma Vrbis Gymnasio Medicinæ Pra-  
elica ordinario Professore.*



R O M A E,  
Ex Typographia Reuerendæ Cameræ Apostolicæ. MDCXL.

SVPERIORVM PERMISSV.

nov.

Digitized by Google

nique quod ad charitatem attinet, tam immensa illa est, ut laudari à me, quamquam illi us probè sim conscius pro merito non possis; Ideoq. quæ ego præstare non valeo, faciendū relinquo pauperibus nedum omnibus in magna hac Vrbe degentibus, qui cum decumbunt, medicam opem, medicamentaq. ex Officina ad hūc tantū finem tuis sumptibus instituta, scilicet PRO PAVPERIBVS, nanciscuntur, sed potissimum sexcentis penè familijs sub Parrochia SS. Laurentij, & Damasi habitantibus meæ curationi perquam humaniter à te commissis, quas insuper quotidie rebus ad vitam necessarijs instructas esse, iubes: Adco ut pietate, ac charitate sic emineas, ut eos, qui vixerunt opere vincas, & posteris exemplo futurus sis. Præterea ut mulieres Aegyptiæ balsamio ad decorem vultus, pulchritudinemq. sibi conciliandam non infeliciter vtuntur; atque Medicis idem summo prece commendatur ad vindicandā à putredine corpora, virtutemque conseruandam, necnon contra pestem, & Ferarum ictus, morsusq. virulentos; sic tu, Cardinalis Humanissime, quot templis, factorūq. Hominum, ac Virginitū collabentibus cœnobijs, vel non restituisi nitorem, vel à fundamentis ea erigendo, antiquam non reddidisti. Iuuentam? Quor ex tabe contabescentes egenos pia liberalitate à corruptione non vindicasti? Et contra dirissimos Pestis insultus, quos non exantlasti? eos magna cum Vrbe, & Orbis admiratione oppugnando, expugnadoq. Herculeos labores? Tibi ergo mea de Balsamo tractatio qualiscūque tandem illa sit, optimo iure debetur, & à me præsertim, qui me cunctaq. mea tibi debeo, qui que insuper probè cognosco, non aliunde melius conciliari ei posse gratiam aliquam, aut diuturnitatem, quàm ex tuo patrocinio Balsamo quolibet præstantiore. Qua spe dum tencor hoc etiam voueo, ut incolumem te quam diutissimè seruet Omnipotens ille Deus, de quo in sacris Codicibus scriptum est.

*Sancti tui Domine stent sicut lilium, & sicut odor Balsami erunt.*

*Antia scilicet in quo quodammodo Balsamum est, & sicut odor Balsami erunt.*

*Antia scilicet*

*A*

*OPO-*

# OPOBALSAMI ORIENTALIS

In conficienda Theriaca Romæ adhibiti.

## PROPVGNATIO. I.

Coram

Illustrissimo, & Reuerendissimo D. Thadæo Collicola  
S.<sup>ni</sup> D. N. Medico intimo, &  
Perillustri, & Excellentissimo D. Io. Iacobo Vbaldino  
Deputatis.



RÆSTANTISSIMI DD. Cum æstate iam præterita D. Antonius Manfredus in Vrbe Aromatarius conquisitis magna sedulitate ijs medicamentis, quæ ad componendam pretiosam Theriacæ antidotum requiruntur, ea vt moris est publico exposuisset conspexi, & inter reliqua liquorem quandam cum inscriptione Opobalsami orientalis, & veri, petijt à D. Prothomedico, & duobus eius Consiliarijs DD. Paulo Zacchia, & Bernardino Meslorio, necnon quatuor alijs ex Medicis Romani Collegij videlicet DD. Alexandro Menghino, Balthasare Bonanno, Ioanne Manelfo, & me Baldo Baldo, vt probarentur talia medicamenta si probatione digna fuerint; & licentia ac facultas ex illis Theriacâ conficiendis sibi impertiretur. Quare singula nos medicamenta considerantes, & potissimum succum illum Opobalsamum nuncupatum, Venetijs huc aduectum, in eoque illa omnia, quæ ad ipsum cognoscendum tum à Dioscoride, tum præsertim à Prospero Alpino tradita sunt, accuratè examinantes, non reliqua modò, sed Opobalsamum illud tantum verum approbauimus, & facultatem conficiendi cum illo Theriacam Manfredo prædicto impertiti sumus, vt etiam D. Vincentio Panutio paritèr Aromatario, qui post aliquot dies eiusdem liquoris vnc. i. s. pro vna dosi in apparatus suæ Theriacæ ostendit, & vt Manfredus licentiam illum adhibendi desiderauit, petijt, & obtinuit. Verum id conspicientes alij Vrbijs Aromatarij, & agrè ferentes, Sanctissimo D. Io-

niho

mino Nostro VRBANO VIII. Pont. Opt. Max humillimè exposuerunt talem succum minimè esse verum Opobalsamum, sed quid factitium, & falsum, proindeque petierunt vt Theriaca cum illo confecta velut inutilis, & fortasse perniciosa projiceretur. Quæ autem est Sanctitatis hæc ingens benignitas, querelam audiens DD. Vestris Excellentissimis mandauit, vt rem hanc sedulo recognoscerent, & quid videretur, enuntiarent; Vnde, tum quia aduersus nostram approbationem, & Theriacam iam compositam nonnullæ medicorum quorundam, qui Aromataris fauent, circumferuntur consultationes, tum quia non paucis prima fronte visi sumus inconscitò ac nimis facile succum à multis sæculis non visum comprobasse, idcirco vt primis satisfiat, & secundi conspiciant, atque intelligant non temerè nos, atque inconsideratè in hac re progressos fuisse, hæc pauca DD. meis significare constitui, longiores discursus, & maiori doctrina plenos, felicioribus, famosisque meorum Collegarum calamis, relinquens.

Igitur vt primum visus fuit liquor ille verus Balsami succus, sic in dies magis magisque ex repetitis experimentis videtur talis existimandus. Licet enim fortasse non sit per incisionem Balsamiferi Arboris, sed per decoctionem ligni, frondiumque eiusdem Plantæ factus, fuit tamen, & est verum, ac syncerum Opobalsamum, nequaquam autem factitium, & falsum, vt Aduersarij opponunt.

Quòd autem non videatur esse ex eius succi genere, quod ex vulnerato Balsami cortice promanat, ex hac Aurelij Gisleni Busbequij olim, Imp. Ferdinandi, & Maximiliani apud Turcam Solimanum, Oratoris narratione, conspiciatur: sic enim scribit nobilis hic auctor epistola 4. de Rebus Turcis pag. 271. *Cum Constantinopoli essem, ac eo discederem, donauit me Hally Bassa veste sanè quam elegantem auro intexta, & plena pixide præstantissima Theriaca Alexandrina: postremò adiecit vasculum vitreum plenum Balsami, sed non sine verborum honore. Cetera, quæ mihi donasset non se magni ducere, quod pecunia comparari possent, hoc esse munus rarum, quo Dominus suus nullum maius amico, aut confederato Principi donare posset. Se aliquot annos Aegypto præfuisse, & sibi datam esse eius habendi facultatem: Duplex eius fruticis succi genus: vnum quod ex oleo decoctionum foliorum cogitur, quod nigrum est, & vile: alterum flauum, quod ex vulnere incisi corticis stillat, quod est genuinum, quod cum ab eo donatus hæc Busbequius: ex quibus deduci potest liquorem illum nobilissimum è Balsamo emanantem, hoc præsertim tempore non facile ad nostras regiones posse aduehi, ac proinde non sine fundamento me dubitasse, an*

Opo-



Opobalsamum de quo est controuersia, sit per incisionem collectum, & eò vel maximè, quod in illo omnia adamussim non obseruantur, quæ de perfecto Opobalsamo ab antiquis fuisse promulgata.

Quòd verò ex alio possit esse genere inde persuadetur, quod istius succi per decoctionem elicit, tanta non est apud Aegyptios penuria, vt iam dicti, sed in magna copia illuc ex Arabia desertur, vt Ioannes Veslingius nunc Anatomicus Primarius, & Botanicus in Patauino Gymnasio, qui dudum Regiones illas perlustrauit, in suis Obseruationibus, & Notis ad Prosperum Alpinum de Plantis Aegyptijs, his refert verbis. *Non tamen existimandū est, quod Membrim ex Arabia lagenulis, vtribusq; plenis aduehitur Balsamum, quantumuis odoris suauitate gratum sit, sincerioris concretionis lachrymam esse. Minimum equidem eius ex plaga corticis destillat: maxima pars, ligni, frondiumque decoctione conflat.* Cum ergo maxima istius adsit copia nulli mirum videri debet, si Venetias portio aliqua transmissa est, & inde etiam ad Urbem. Quòd si præteritis temporibus hoc factum non est, aut infrequenter valde, in causa fuit non solum Aromatariorum penè omnium forsan negligentia, ne dicam auaritiā, ob quam relicta perquisitione Opobalsami vt potè multi pretij, contenti sunt succedaneis apprimè vilioribus, sed vt Euangelista Quatramius lib. de Ther. & Mithr. ait, quia Medici nimium additi probationibus veri Opobalsami à Dioscoride, & Plinio propositis, illasque non exactè recognoscentes in hoc liquore, qui ex Aegypto in Italiam missus est, eum reprobarunt, ac reiecerunt, & ad suos Dominos remiserunt.

Verum enim verò quantumuis probabile sit, quod huc vsque enunciatum de hoc nostro Opobalsamo existimādo per decoctionem elaborato; non propterea tamen id ita affirmatum velim, vt non possit etiam dici per incisionem corticis illud emanasse, cum id nihil vetet pronunciare, immò validissimæ coniecturæ persuadeant affirmare; stante maxime Prosperi Alpini de hac materia attestatione, & doctrina, cui inter reliquos subscribit doctus vir Michael Doringius libro de Opobalsamo Syriaco, Peruano, & Tolutano. Siquidem Alpinus, qui fuit oculatus testis in Orientali Plaga huiusce lachrymæ, dū varias illius rates describit, & in prima, quæ per quinquennium de rat colore dicat esse subuidentem, ac substantia turbidum, insillatumque in aquam non desidere, sed continuò assurgere, & supra totam aqua superficiem expandi, ibique albescere, & stylo tetum eximi, nostri utique videtur comprobare Opobalsamum tanquam verum, quippe quod hac omnia perbellè representat. Quod si velimus etiam dicere non in prima ætate aut inter primam, &

## 8 OPOBALSAMI ORIENT.

secundam, vt ego puto, sed in vltima consistere, vt exercitatissimus quidam Pharmacopœus Gallus me præsente, & instante asseruit, non propterea ablegandum est vt inutile d Theriacæ compositione, quando non omnino senio confectum exiit, vt odor, & reliqui caracteres demonstrant; proindeq; virtute non caret, nisi forsan tati, ac tanta, quali, & quâta recens è frutice promanans donatum est. Nec cum Auic. scribit vetus Opobalsamum non habere virtutem intelligit de quocunque statu vltimæ ætatis, sed de postremo tantum, vt ex eius loquendi modo comparatiuè factò colligitur sic enim ait. *Et quod ex eo melius est, est recens, vetus autem non habet virtutem.* Ex quo (vt obiter dicam) deduco non vndequeque forsan benè se gessisse Medicos Patauinos cum anno 1626. in apparatu Theriacæ ab Angelo Bolzetta Pharmacopola illius Vrbs, exposito, Carpobalsamum idest semen Balsami, Xilobalsamum idest lignum, & Opobalsamum, istest succum Balsami, tamquâ vera & legitima approbantes, ea tamen vt antiqua à tali compositione abdicarunt; quod sanè præstandum non erat, nec præstitissent viri illi celebres, nisi ex nimia vetustate talium medicamentorum vires penitus euauerint. Id quod de nostro Opobalsamo dicendum minimè est, cum in eo tantum consistentia, & color, quàm sapor, & odor, qualitarum, virtutumque, Balsamicarum præsentiam manifestent. Est enim succus iste velut Gal. 2. de Com. Medic. sec. loca cap. 1. desiderat *consistentia mediocris*, vt Alpinus vult *coloris ex viridi ad aureum tendentis*, vt Dioscorides ait *lavis, dilui facilis, adstringens, modicè mordens gustu, non ad acorem vergens, & validi odoris*, & vt scribit Plinius *non subacidus, & odore austerus.*

Quare cum, siue per decoctionem, siue per incisionem sit factus, qualitates habeat veri Opobalsami, non est vt factitius, & falsus reputandus.

Verùm quia ex aduerso pluribus instant modis, & argumentis, occurrendum illis omnino est. Primò igitur insurgunt nonnulli affirmantes non reperiri Xilobalsamum id est lignum, ex quo emanat, & sit succus prædictus, ac proinde nec talem succum. Deinde aiunt prætersum, Opobalsamum non habere illum suauem odorem, quem describunt Plinius, & alij quamplurimi auctores. Tertiò asserunt sedare pannum, contra ac faciat verum Opobalsamum, quod maculam non relinquit. Quartò dicunt non coagulare statim lac, vt voluit Plin. & Auic. Quintò asserunt illud aqua concretum pessum ire, & ad ima sidere, & postea dissipatum supernatare, vt adulteratum facit, Dioscoride auctore. Et sextò de mum contra meas positiones dubitare sic possunt. Quandoquidem

si tati

si tam exigua est Opobalsami per incisionem promanantis quantitas, vt Busbequium, & Veslingium scribere iam dixi, qua ratione poterit hoc nostrum quod ad uncias xvij. accedit, in tali genere constitui? Ac praterea si est per decoctionem elaboratum, quomodo non erit adulteratum, & falsum pronunciandum?

Sed ad primam oppositionem Primò respondetur non solum cum Scaligero, qui exercit. 257. hæc habet verba aduersus Cardanum hoc idem sentientem. *Balsamum desisse ais. Item ais paruo esse in pretio. Quorum utrumque vanum est. Nam & apud Maximilianum Casarem multum, & nonnihil apud Patrem meum vidimus nec parum apud Carolum Sabaudie Ducem &c.* Sed cum Marco Oddo Patauino, qui consentiente vniuerso Medicorum talis Urbis Collegio lib. 2. de Ther. & Mithrid. Comp. cap. 2. ait Monardem Hispanum qui *vt liquorem quemdam ex India laudibus efferret, Balsami arbores prorsus desisse, affirmavit, se naturalis Philosophia prorsus ignarum esse videri, que ubique apud suos auctores testatur rerum species esse sempiternas.* Id quod possumus etiã nos contra istos oppositores enunciare. Respondetur tamen secundo cū auctoribus fide dignis, qui testes de visu hos redarguunt, vt Busbequius, Radziuillius, Bellonius, Alpinus, & Veslingius. Busbequius enim iam citatus, & doctissimus Veslingius, qui ultra quinquennium in Aegypto rara hæc Medicamenta obseruandi gratia moratus est, & Arabes vidit (vt eius verbis utar) *Ramorum, fructuum, & odorati illius succi copiam satis amplam in Aegyptum deferre, Balsami existentiam attestantur.* Vidit necnon hoc idem Prosper Alpinus, Veslingij in Patauino Gymnasio prædecessor, & ante istos viri clarissimi iam dicti Illustrissimus Princeps Nicolaus Christophorus Radziuillius Polonus, & Petrus Bellonius Gallus Cenomanus. Quorum istè, qui diligentissimè Regionem illam perlustrauit lib. 2. suar. obseruat. cap. 36. Balsamum longa, accurataque oratione tamquam à se visum, degustatū, & omnino perpersum describit. Ille vero in sua Hierosolymitana Peregrinatione edita Antuerpiæ anno 1614. Balsami existentiam his verbis ostendit. *Arbor hæc (scilicet ficus tharaonis) sita est in borto, in quo Balsamum proveniebat, cuius etiam extant plantule duos circiter cubitos altæ, sed exa uerunt omnes, nam Assan Bassa prædecessor Imbraimi, qui meo tempore Prouinciam administrabat, Aethiopem quendam, qui curam Balsami habebat, quod magnam pecunie vini collegerat præfocari iussit, quo factum est, vt nullo qui Arborum huiusmodi curam gerere nossent, reperto, penitus deperirent.* In felici tamen Arabia Imperator Solimano pro. urante Balsamum in cepia provenit, quod etiam Mecha-

*per Carauanam aduehitur. Eius mecum bonam quantitatem aduexi.* Præterea vnde habent aduersarij, quod plantæ istæ, quas Arabia, & Sabææ datum est gignere vt ait Strabo lib. 16. & Aegypto, ac Iudææ possidere vt vult Plinius, quæque vt Galenus noster affirmat cap. 4. lib. primi De Antidotis in multis Palæstina prædijs colebantur, & ex illis Opobalsamum colligebatur; & quæ insuper posterioribus sæculis adeo prope Babyloniam fertiles erant, vt tantam succi copiam gignerent, quæ etiam pro lampade ante Aram Principis Apostolorum in totum annum, conseruanda sufficeret, vt scribit Petrus Damianus in epist. ad Gadaolum, & Cæsar Baronius. 11. Annal. 1061. refertque R. P. Io. Seueranus Congregationis Oratorij libro de Memorij Sacris septem Ecclesiæ pag. 123. Vnde, inquam, habent, quod perierint, vel adeo imminuta fuerint, vt exiguum modò, vel nullam Opobalsami quantitatem, producant? Potuerunt equidem agrestiores reddi, vt tales quoque redditi sunt Populi illi ob tyrannicum Turcarum Imperium, proindeque non ita perfectum, ac laudabilem succum progignere, quemadmodum forsan ob meliorem culturam antiquitus faciebant, sed absolute deficere, ac perire in nativo præsertim solo, vt Arabia est (non Iudæa, & Martæenses horti) nequaquam.

Ad secundam oppositionem respondetur verum quidem esse Plinium loco citato, Opobalsamo attribuire suauitatem eximiam, adeo ut (quod ego adiungo) Pausanias *odore præ cæteris vnguentis iucundissimum* dicat, sed non ita affirmare Dioscoridem, & ex Galeno, & Auic. alijsque præclarioribus Medicis, imò ex ipsomet Plinio deduci. Nam Dioscorides ait esse validi odoris hoc est acuti, non suavis, & Gal. qui 6. De simplic. Med. fac. pag. 44. Balsamum tantummodo vocauit odoratum, & lib. 1. de Antid. cap. 13. *se posse*, ait, *Opobalsamum adulterari vt nullatenus, vel non exactè possit sincerum ab adulterato scerni*; talisque adulteratio, vt Dioscor. Plinius, & Auic. docent, fiat per admissionem terebinthi, Cyperi, Mirthi, Lentisci, balani unguento, item fusino, metopio, resina, Galbano, melle, aut Cypria cera vel oleo de Pino, & oleo de Mastice, & cera dissolutis in oleo di Ligustro; quis non videt Opobalsamum non constituere tam suavis odoris, vt vulgò putatur? cum tam eximia suauitas, vel quid simile non possit ex admissione prædictarum rerum, consurgere. Vel ergo succus iste non debet esse tam odoratus, vt volunt Pausanias, & Plinius, qui illum fortasse nunquam admonerunt naribus, vel Dioscorides, Auic. imo Plinius ipse in describenda adulterationis materia, aberrant Et profectò dum antiqui illius odorem celebrant loquiverisimile est in comparatione ad res odoriferas sui temporis, in quo

non

non aderant Moschum, Ambra, Zibetum, Belzoinum; sed spica nardi, myrrha, cinnamomum & huiusmodi, quibus licet tribuatur suauitas odoris, illa tamen exigua est, & minima respectu moschi, & ambre, aliarumque nostratium rerum bonè olentium. Melius igitur qualitatem hanc in Opobalsamo delineauit Dioscorides cum scripsit debere esse validi odoris. & ante ipsum Sacrae Paginae aromatizans vocantes, & (myrrhae attributa suauitate) odorem solummodò dare affirmantes.

Ad tertium argumentum respondet Alpinus in Dialogo de Balsamo, & Quattramius loco citato de Ther. & Mithrid. non debere sine macula omnino remanere pannum, sed eam non delatari, ac crescere, vt facit, quæ ab adulterato provenit, ratione nempe olei, aut rei vniuersæ, quæ talem ingreditur adulterationem, & mistionem. Cum ergo quæ de hoc signo ab Alpino dicuntur, in nostro Opobalsamo egregiè obseruentur, inualidum manet argumentum propositum.

Ad quartum idem respondet Alpinus lac quidem coagulare, non tamen ea energia, & efficacia, qua coagulum, nam reuera controuersum, Opobalsamum lac non perfectè coagulat, sed cum ipso potius coagulatur, & spissatur, vt Alpinus vult. Nec mirum (vt addo) quia cum disculforix sit substantiæ, & nonnihil calentis, vt ait Gal. 2. de Cōp. Med. S. loc. cap. 1. magnam non videtur posse in lacte progignere coagulationem, sed medicorem, & moderatam, vt mediocris est, & moderata eius adstrictioria vis. Ex quo infero, quòd si velimus strictè hoc signum considerare, vt etiam antecedens de macula, quibus tantum tribuit Plinius, nullum utique inquam declarare poterimus genuinum, & verum Opobalsamum. Id quod expertus fuit Busbequius in suo illo supra enarrato balsamo sibi ab Hally Bassa tanto cum verborum honore dono dato, quod tamen Medici Casarei ausi sunt in dubium reuocare, quia, vt ille ait, *non ex toto notis, quas requirit Plinius respondere visum sit*, & nihilominus, vt epist. citata pag. 294. subiungit. *Hoc quidem certò certius scio è fructibus illis, qui in Hortis Matreæensibus Cayro propinquis coluntur, profluxisse.* Cuius effectus, seu potius defectus ea videtur posse ex eodem Busbequio causa assignari, *quod vetustissimarum illarum plantarum, vnde promanat vis aliquantum atate* (addo ego cultura) *imminuta sit.*

Ad quintum respondetur, quòd cū Dioscorides ait, *hallucinari eos, qui Opobalsamum aqua concretum pessum ire. & ad ima fidere arbitrantur, postea dissipatum supernatare*, id sibi velle, quòd nimirum illi decipiuntur, qui dicunt sincerum Opobalsamum debere necessariò pessum ire, & ad ima fidere: quia hoc non accidit, nisi cum ex alto proicitur, vt pror-

us in nostro animaduertere est, quod solū cū ex alto cadit, fundū petit & ad ima descendit, & postea non vt adulteratū dissipatur antequā supernatet, sed prius supernatat, quā dissipetur. Et dum supernatat oleum nō imitatur se conuolvens, & in stellæ modum diffundens, sed æqualiter totam occupat a. mirabili quodam modo superficiem aquæ, nullam stellæ figuram repræsentans.

Ad vltimum demum respondetur, contradictionem nequaquam includere positiones à me factas, quia Busbequius loquitur de succo in hortis tantummodo Matarez collecto, qui sanè liquor ob culturam præstantior existit, & non nisi ad manus Principum deuenit; non de alio, qui pariter per incisionem in Arabia, & alijs locis, ex fruticibus Balsami extrahitur: cuius sanè licet à Veslingio dicatur quoque adesse minima quantitas, id potius intelligendum est in ordine ad succum per decoctionem extractum, cuius longè maior est copia, quā simpliciter, & absolutè.

Cū verò subiungitur, Opobalsamum per decoctionem non esse verū, sed adulteratum quod sanè videtur etiam asserere Prosper Alpinus, fundamentum ni fallor, minimè habet, ac probabilitatem vllam, nisi in tali decoctione aliquid aliud superaddatur. Si enī tale Opobalsamum falsum non est, & arte compositum, sed vi ignis, & aquæ ex fruticibus illis extractum, cur dici debet adulteratum? quomodo ergo potest dici adulteratus, nisi per hoc nomen intelligere velimus non adeo perfectū? quod sanè vltro libenterque concedo, cū videam primum appellari genuinum à Busbequio, secundum verò vile, in ordine videlicet ad illud. Ambo tamē sunt naturales Balsami succi, & ē visceribus illius exoriantur, nullamque extraneæ materiæ continent, & admittunt misionem, vt adulteratum Opobalsamum facit. Siquidem Dioscorides, Plinius, Auic. & alij dum scribunt adulterari posse, solam proferunt extranearum rerum misionem. Vnde sicut Balsamum Peruvianum quod fit per decoctionem frondium, & ramorum, & dicitur nigrum, est verum Balsamum, vt illud quod per incisionem arboris resultat, & album appellatur, licet non aque perfectum, vt videre est apud Niccol. Monardem cap. proprio (Vnde Medici Valentini, & multi alij, imò & nostrum Antidotariū illud commendāt pro succedaneo veri Opobalsami, quale est Orientale) sic enunciandum est in casu nostro; Ac proinde nullo modo est illud abdicandum à compositione Theriacæ, imò recipiendum omnino, vt potè magis simile perfectissimo Opobalsamo, quā oleum nucis moscatæ, aut quodlibet aliud pro succedaneo commendatum.

Sed dato etiam, & non concesso liquorem hunc non esse verum Opobalsa-

balsamum, sed quid compositum ex terebintho, & alijs gummis, & oleis, vel ut quidam asserit ex oleo Iuniperino, an propterea Theriaca, quam annuentibus Prothomedico, & Consiliarijs ingressum est, tanto cum Manfredi, & Panutij damno, proijcienda est, ut ex aduerso petitur? Nequaquam obsecro, cum auctores non desint, qui Terebinthinam, oleo nucis moscatae in hac substitutione praeponent; & quod spectat ad oleum à baccis Iuniperi, doctissimus Matthiolus illud non reprobet, ac condemnet, licet oleum praedictum magis probeat, & amplexetur.

Quare &c.

*Exhibita DD. Deputatis die 2. Octobris 1639.*

## ROMANA OPOBALSAMI.

### *Propugnatio Secunda.*



Larissimi Viri. Post traditam DD. meis defensionem, comprobationis Opobalsami à Magnificis Antonio Maffredo, & Vincentio Panutio Aromatarijs in conficienda Theriaca adhibiti; duæ ad manus meas deuenerunt alia scripturae approbationem praedicti liquoris infirmatae tentantes. Quarum prima, quæ à DD. meis fuit nobis consignata, est cuiusdam Medici, qui se Euonymum (melius diceret Anonymum) appellat. Secunda verò est alterius Medici qui iam pro Collegio Aromatariorum scripsit. Prima responsione non egere mihi visa est, cum nunc fallor iam maneat depressa, ac reiecta ex ijs, quæ DD. Bonannus, & Zacchias adduxerunt, & ego quoque in medium attuli. At secunda, quia non solum, ut alia veritatem ledere videtur, sed me etiam non suauiter vellicare, responsionem omnino exigit, insimulque calamum meum excitat ad castigandam Euonymi lucubrationem. A qua inchoando.

Dicit primò Euonymus tale *Opobalsamum, non fuisse verè approbatum, quia non à Collegio integro*: Ignorans, vel fingens se ignorare in hisce actibus Collegium integrum representari in personis Prothomedici, & Consiliariorum, alias nulla Theriaca, vel alia antidotus esset probè, & ritè confecta, cum numquam ad illarum ingredientia approbanda repe-  
riatur

riatur totum, & integrum Collegium. Nec dicat approbasse nos talem succum vt succedaneum; ad quā declarationem totum requiritur Collegium, nam talis approbatio fuit facta vt principalis medicamento non vt succedanei, & ideo nulla est eius oppositio.

Dicit secundo debere approbari à *sensatis*, & *peritis in recognoscendis similibus medicamentis*, quasi nos; & sensu, & peritia careamus, cū tamen doctis omnibus notum sit quante æstimationis aliqui ex nostris, qui tali approbationi subscripserunt, existant, quimq. sensati hoc est solertes, & sagaces habeantur in rebus potissimum ad rem medicam spectantibus. Id quod si ille ignorat, munera ab ijs egregiè patrata respiciat; & APES adeat VRBANAS Cl. V. Leonis Allatij; videbitq. inter illas, an aliqua ex nostro Cœtu reperiantur ad dignoscendum, libanumque ex Authorum monumentis verum balsamum, aptæ. Interim verò sciat nos etiam adhibuisse iudicium D. Io. Baptistæ Valtrotti Aromatarij seu Drogherij, qui in Aegypto ad multos annos degit; D. Marci Auanti olim Venetij Pharmacopolæ, & nunc in Vrbe Chirurgi, qui illic cōsimilem vidit liquorem verum Opobalsamum ab omnibus existimatum, & D. Leonardi Fordoissōn Confluentani Galli nuper ex familia Eminētissimi Cardinalis Lugdunensis, & nunc Eminētissimi D. mei Cardinalis à Balneo domestici Pharmacopœi, qui pariter apud D. suū Cardinalem à Lugduno verum Opobalsamum vidit; & omnes isti viri periti nobiscum senserunt, & sentiunt; vt mittam Illustrissimū D. Equitem Cassianum à Puteo, qui aliàs ab Illustriss. & Excellentiss. D. de Breues vero balsamo donatus, hoc nostrum æquē, ac nos approbauit.

Dicit teritiō doctos Medicos, & peritos Pharmacopolas semper affirmasse balsami succum; lignum, & semen verum Orientale hoc tempore non inueniri. At contrarium affirmant oculati testes viri doctissimi iam à me citati Busbequius, Radzinillius, Bellonius, Alpinus, & Veslingius, quibus præter Scaligerum duos addo Medicos præstantissimos Ioannem Costzum, & Carolum Clusium. Ille enim super primum lib. Mesue de Oleis cap. de Oleo Balsami hæc habet verba. *Quare habeo ego perpetuas gratias Iosepho Parpalliono Nouariensi Medico nobilitate, doctrina, & moribus insigni, à quo ex Memphi post aliquot annorum peregrinationem nobis restituto, eius Olei aliquantulum accepi, quod omnibus numeris legitimum esse balsamum pro certo habeo.* Clusius verò lib. 10. Exotic. cap. 9 in Annot. ad Monardem de Balsamo sic tādē scribit. *Ego sanè paululum legitimi Opobalsami habeo ex munere nobilissimi Baronis Davidis ab Vgnad Casarei ad Turc. Imper. Selymum, Solimani filium, & Amuratem ipsius Nepotem, Legati, quo Constantinopoli discen-*



dens post quinquennalem illis moram ab ipso Amurate. donatus fuerat; deinde paucillum etiam habui à Generosissimo Barone Eduardo Zouche Anglo Constantinopoli reduce: mittebat etiam ante paucos annos vir doctissimus Io. Pona, quod omne amicis impertij. Adde insuper Iacobum Ferrarium Philosophum, & Medicum Mantuanum, qui in Idæa Theriacæ, & Mithrid. cap. 16. ait Veronæ fuisse confectam Theriacam anno 1594. ab Antonio Bertiole cum legitimo Opobalsamo ex Orientali plaga aduecto, additq. propositum quoque fuisse sincerum Xilobalsamum, & Carpobalsamum, non fuisse tamen horum adhibendorum facultatem à Celeberrimo Veronenſi Collegio petitam, quia vtrumque temporis tractu aliquid vitij contraxerat. Id quod anno 1626. fuisse etiam Patavij factum supra deduximus. Quod si his non contentus Euonymus alios desiderat testes Andream adeat Chiocum, Franciscum Calceolarium, Michaelem Doringium, Nicc. Guibertum, Io. Ponam, & alios ab Eruditissimo Collega D. Bonanno adductos; sed interim ne pigeat ad incredulitatem funditus remouendam Villamontium, & Breceium audire, qui de hac re nonnulla habet vernaculo quidem sermone, hoc est Gallico, cum ambo sint Galli nobilissimi, ab ipsis edita, sed quæ ab Eruditissimo amico Gabriele Naudæo latina hunc in modum fieri curavi. Sic ergo ait Villamontius Eques Ord. S. Sepulchri lib. 3. Peregrin. suar. cap. 13. Quarto, aut quinto ab Vrbe Memphi lapide vicus est maximus nomine Matarea veri Balsami ortu celebri, quem propterea die sequenti perlustrare constituimus. Arbor in eo est valde pusilla, & ad summam alta pedes duos folijs perpetuò virentibus, nec ab Ocymo multum diuersis præterquam magnitudine, quæ in Balsamo aliquantulum excedit. Ex ea cum semel Augusto mense, iterumq. dütaxat in anno inciditur, aqua paulatim exudat sub flaua, quæ ut veri & naturalis Balsami nomine, sic dotibus cæteris insignita est. (Notandum autem hoc iter fuisse factum anno 1589.) Breceius verò qui fuit Regis Christianissimi apud Turcarum Principem Orator, & postmodum Romæ apud Paulum V. Pontif. Max. in prima parte suarum Relationum, vbi de Memphi, & Matarea sermonem habet sic scribit. Inde gradum fecimus ad Hortum Balsami Arbusculis constum, & magna diligetia custoditum ab Hortorum Prefecto quem Bostangum vocant. Hic unumquemque nostrum rogauit, ut ab eiusmodi Plantis manus omnino abstineremus. Erant autem ille quas vidimus septem, aut octo totidem in Areolis à se inuicem separate, humiles admodum, vixq. vnius, aut alterius cubiti magnitudinem censende, folio, quòd tunc in illis non admodum frequens, erat planè ut sam-pitchi, siue maiorana esse solet. Bostangus obtulit nobis Xilobalsami

Vir-

*Ungula aliquot, & duos, trāsue vrceos plenos Opobalsami. Vna ex illis plantis liquorem suum ex vulnere fundebat in subditam lagunculam. Cum autem ē comitatu nostro quidam ramum imprudens ab Arbusculo penitus auulsiſſet, non ſecus expalluit Boſtangus, quā ſi de vita ſua conclamatum fuiſſet: aſſeruitq. fieri non poſſe, quin capite tandem pleſceretur, ſi Turcarum Principi, aut Baſſa damnum illud innotefceret. Verum are modico tot querelis ſinem non difficile fecimus. Et id ſuit anno 1605. Id ipſum quoque in Peregrinationibus tranſmarinis collectis à Gaſpare Vns pag. 89. in deſcriptione Cayri his verbis habetur confirmatum. In pago, qui à Cayro longius baud abeſt, quā Tendit à Lutetia, ſunt Baſſami frutices in magno quodam horto, ſed anguſto loco maris concluſo, quos extructos fuiſſe aiunt poſtquam Turca Aegyptum Soldano ademit. Baſſa autem à Turcarum Imperatore buic Regioni præſectus, ea arbuſta digna exiſtimauit, quæ peculiari loco concluderentur. Cum Bellonius illic eſſet nouem, aut decem duntaxat frutices eius aderant, quæ nullum liquorem præbebant. Stipitem habebant pedis longitudine, & pollicari craſſitie, tenuibus ramulis præditum, qui raris folijs præditi ſunt. Quod ſi hæc non ſufficiunt, audiat Reu. P. Bernardinum Caſium Societ. I E S V qui lib. 4. de Mineral. cap. 12. ſect. 1. numer. 9. ſic ait, ex dictis plantum eſt Baſſamum non vni tantum Iudææ conceſſum contra quā ſentiunt Plinius, & Solinus, ſed provenire etiam in Aegypto, & Arabia ſelici, & quidem hac quoque tempeſtate, quod tamen inſciantur quidam imperiti, hanc Plantam proſuſ Mundo periſſe rati. Hæc Caſius libro citato à ſe edito, anno 1636. Lugduni.*

Quartò dicit Baſſami Plantas non eſſe in Iudæa, & Aegypto patritias, ſed adnenas, quia vt tradit Joſeph. lib. 8. Antiquit. cap. 2. Reginæ Sabæ beneficio baſſamum in Iudæa propagatum, cum plantulas Baſſami inter reliqua dona Salomoni vias aſportauit. & in hoc quidem rectè loquitur, ſed dum vult probare tales plantas deſeciſſe tum quia à Plinio dicitur quod in excidio Hieruſalem ſub Tito Imperatore *Sauire Iudæi in eam Arbuſculam ſicut in vitam ſuam, contra defendere Romani, & dimicatum proſutice eſt*: tum quia de illis non ſit mentio in Hiſtorijs, errat multipliciter. Priuò namq. ex Plinio deducitur dimicatum fuiſſe, non autem viſiſſe Hebræos, imò totum oppoſitum. Secundo, quia adhuc remanebant in proprio, & natiuo ſolo apud Arabes, & Nabathæos. quibus patritia eſt Baſſami Planta, ex Pauſania in Beothica, Strabone 16. Geogr. & Diodoro Siculo in Bibliothecis. & tertio quia falſum eſt in Hiſtorijs mentionem non fieri de Baſſamo Iudæico, & Aegyptiaco extantibus poſt Hie-

Hierosolymæ excidium, vt iam patet ex ijs que addidimus ex Busbe-  
quio, Radziuillio, & alijs, qui historicè loquentes Balsamum in Aegy-  
pto reperiri affirmarunt. Quod si eorum narrationes illi non videntur hi-  
storie adeat Paulum Iouinum lib. 7. Historiarum sui temporis, vbi tra-  
ctans de bello Selymi contra Tömümeihim Sultānū Aegypti hæc ha-  
bet verba. *Er at pagus ad septem lapidem ab Vrbe Memphis, cui Maia-  
reg dicitur balsami facunditate memorabilis: ibi enim hortulus est den-  
tibus arbutulis confusus, unde liquor ille omnium odoratissimus refudat,  
cum eburneis culticillis extremi cortices inciduntur, cui propter insignes  
vires, quando id donum natura alijs terris inuiderit, morbi hominum,  
& oborta luxuria eminentissimum pretium fecerunt: in eum locum iux-  
ta Rhodaniam Vicum Tomumæius &c. Adcat, præterea Borchardum  
Argentoratensem Ord. Prædicatorum, qui vixit circa annum 1281. vt  
scribit Io. A. Ossius lib. 2. de Historicis latuis. Is enim in descriptione  
Terræ Sacræ, Regionumq. finitimarum prima parte cap. 7. §. 39. hæc  
habet. *Supra mare mortuum in litto: e eius Occidentali de Sigor. Leuea  
una est ascensus montis Engadi, in quo David latuit ex 1. Regum cap. 24.  
cum insidiaretur ei Saul in circuitu ipsius montis, & in ipso vinea balsami  
confusa erat, sed Herodis magni tempore, Cleopatra Aegypti Regina,  
in odium ipsius Herodis faciens sibi Antonio transfudit iam in Babylonia  
Aegypti, & non colitur in Aegypto vinea illa nisi à Christianis, ir-  
rigaturq. aqua fontis, in quo fama est Beatissimam Virginem sæpe infan-  
tem IESVM lauisse, cum fugisset propter Herodem in Aegyptium &c.  
In secunda vero parte cap. 4. De Horto Balsami in Aegypto sic scribit.  
Inter Heliopolim, & Babyloniam medio ferè loco est balsami hortus, de  
quo alium est supra, longitudinis iactud non arcum: latitudinis au-  
tem iactu lapidis, habens terram ferè albā. In fesso S. Michaelis cum  
illuc peruenissim balsami lignum satis humile existebat scilicet palma &  
dimidia in altitudine, habens folia parua, ut erat, sed parum albiora,  
& de ligno mecum detuli &c. Hanc eandem historiam refert ex Bartol.  
de Salignaco in Itiner. Terr. Sacræ cap. 7. Tom. 10. Henricus Kornman-  
nus in lno Templo naturæ Historico, addens eum eadē Borchardo, &  
Salignaco, quod mellis balsami talis est. decerpitur folium ex stipite co-  
tra solem, maxq. gustu lucida, & mirè fragrans scaturit ex ruptura.  
Fonticulus autem IESV paruulus est nō sufficiens irrigatori totius hor-  
ti, quare Saraceni aliud fodierunt iuxta illum, patrum, ex quo quatuor  
botus aquam protrahunt per rotam sphenæ ex vicinitate fontis IESV  
aquam fore salubrem, at longè aliter res euenit, donec missis à malibus  
aquam deducere in fontem IESV, quo facto largiter, & salubriter ex**

*aquis mixtis rigatur Balsami hortus. Nec est omittendum ut refert Chasani. in Glor. Mund. part. 12. consid. 76. mirum tamen dictum, quod a meridie Sabbati usque ad auroram diei Luna boues nullo verbere impelli possunt, ut in protrahenda aqua laborent. De hoc eodem horto, quem Iustinus Histor. lib. 36. dicit esse in Valle Hyerico, & in eo regale Palatium, & Balsamum reperiri, facit quoque mentionem Pius II. Pöt. Max. in sua Afiz descriptione, & Sebastianus Maccius Durantinus Soteridos lib. 3. sic canens.*

*Est etiam iuxta has ades iunctissimus hortus*

*Antiquis cultus Patrius, Dominoq. Penatum,*

*Hasd ingratus ager, quod balsama plurima condant.*

*Fons est in medio nitidus argenteus undis,*

*Vnde fluit Riuus paruo cum murmure, & omnem*

*Perpetuis manans undis, celer irrigat hortum &c. ex nostris vero hoc idem confirmat Brasauolus in Exam. fruct. pag. 202. asserens etiam, num gigni Hiericunthe, quod vulgo Ierico dicitur, Iudææ oppido, & inde aduehi facile posse nauibus, quæ quorannis, Venetijs Hierosolymam soluant.*

*Quintò dum Euonymus in eodem argumento permanens conatur probare defecisse Balsami plantas. Primo, quia Patres Franciscani referunt se illas non vidisse. Secundo, quia Consules Veneti de hoc liquore non faciunt attestationem, & Tertiò, quia Venetijs si haberetur non substituerentur grana Iuniperi in compositione Theriaca. Vtitur quoad primum testibus inualidis, quoniam boni illi Patres (si tamen verum est, quod ait) Meniph non degunt, & in Arabiam non proficiscuntur, nec de pretiosis mercibus, ut balsamum est, cum panem emendicent, ad eos pertinere agere, & perquirere: Quoad secundum Alpinum, & Veslingium adeat, ipsosq. interroget nobiles Venetos, & mercatores, & postea loquatur: Et quoad tertium sciat Venetijs non substitui grana Iuniperi, sed oleum nucis moscatæ, & hinc non argui liquoris balsami defectum, sed quantitatis, quæ tanta illac alportari non potest, ut valeat Theriacis, quæ ibi singulo quoque anno ad tres mille libras, & ultra componi solent, deferuere.*

*Sextò concedit, quod negauerat scilicet fuisse olim, & nunc esse balsami plantas, sed negat producere succum bonum, quia syluestres sunt, & ideo assimilaz earum succum vino Iambrosca, & Ciambromi respectu Moscatelin. Verum præter Alpinum, qui manifestissime contrarium asserit, ex his Veslingii verbis ad Caput xliij. Alpini de Balsamo, redarguitur hæc assertio. *Ceterum (ait) planta Balsami natalè solum rectè Alpinus**

Alpinus Arabiam asserit, vel hoc nomine ceteris provinciis celebrior em  
ex qua ramorum, fructuum, & odorati illius succi copia satis ampla in  
Aegyptum defertur: Theophrastus ἔχειν ἐν τῇ αἰνῇ τὸ βάλαμον ἢ βαμὸν  
sylvastrem nullum esse balsamum ubi summa acceperat: venera-  
tamen in Arabia collibus, quamvis alia cura nulla accedat, felicibus  
sylvis progeniem submittere & paulo post exponens Plinij dicta, quibus  
ramis sedulum modum incidendi corticem describit, & Taciti narratio-  
nem, qua dicit plantam hanc ferrum expauescere, ideoque testæ lapidisue  
fragmento corticem diuidendum fuisse, sic ait. Sed hoc de tenella planta,  
atque in alieno solo languidius adulta, habenda sunt: non item de indi-  
gena illa, quæque valida iam stirpe terram patriam complexa est. Hanc  
enim ferrum non reformidare, nec durius in compscendis rianis fluen-  
tibus imperium, abundè mihi confirmarunt Arabes, qui horum fasces in-  
tegras Gayrum deferunt. Quod verò ex istis plantis laudabilis eliciatur  
succus tamen si forsitan inferioris conditionis eo qui in Palestina, & Aeg-  
yptu olim colligebatur, ab eodem Veslingio paulo post subiungitur, &  
antea fuerat ab Alpino affirmatum, neque sine fundamento, cum istud ut  
illud odoris suauitate gratum admodum sit, & eundem agnoscat colle-  
ctionis sue, ac generationis modum, isdemq; præstitum sit facultatibus,  
& dotibus, quibus illud apud antiquos testatum habemus, fuisse prædictū.  
Septimo dicit non posse fieri iudicium de hoc nostro cōtrouerso Opo-  
balsamo, quia verum nō habemus ex cuius comparatione falsum digno-  
scatur: Sed ad quid Dioscorides, Plinius, & alij permulti auctores tra-  
diderunt modum, & signa, quibus verum a falso, & opobalsamo dignos-  
ci possit? ut nittam viros peritos a nobis adhibitos verum Opobalsamum  
vidisse, & ideo falsa assertio.

Octauo inserit, quod cum ex Alpino Planta balsami in locis arenosis  
non ferat succum, multo minus, quæ in sylvis, & nunquam cicurata.  
Quali in sylvis non possit esse pingue solum, & aliqua horum fruticuli  
cultura, & ea quoque deficiente, deficere omnino debeat in illis succus,  
& humor.

Ultimo ponit in controuersiam an debeat haberi fides Alpino de Bal-  
samo scribenti, quod videatur dissentire a se in describendo, ac depingen-  
do Icone & his plantis. Sed hoc asserere de tanto Medico, ledit multos  
viros clarissimos, qui ei adhuc viuenti, & Patavij medicinam proferenti  
fidem adhibuerunt, & eo vel maxime, quod illis ut ipse scribit lib. 4. de  
Medicina Aegyptiorum, & de plantis Aegypti cap. 14. & confirmat Io-  
Pona, veram plantam adhuc virentem illuc a se asportatam demonstra-

uerit. Vnde si quæ est in pictura & scriptura varietas non debet tollere, idem Alpini, qui non fuit Pictor, sed Scriptor, præterquam quod secundum varia anni tempora diuersimode repræsentat planta ista folia, & figurâ. Verum ad alium Medicum accedendo, & emipnus, adstrictæ eius tela propugnando. Incipiamus à suæ scripturæ titulo, qui est: *Romana Opobalsami adulterati*, & *sciss* ad quod si verum est id quid pot conatus, & studia si iam est falsum, & adulteratum? Melius ergo debebat inscribere Romana Opobalsami, ut ego inscripsi, quia lis est nemine discrepante circa Opobalsamum, an uero sit falsum, vel sincerum, rest id quod perquiritur. & ad Iudices non ad nos spectat discernere, eorum munus est non nostrum, prædicatum veri, vel falsi Opobalsam. contro, ueris attribuire.

Conatur deinde probare talem suæcnam à nobis approbatum non esse verum Opobalsamum ex quantitate quia ut ait eius planta est parua, & tenuis, & non ubique terrarum, sed in aliquibus tantum seu Aegypti, seu felis, Arabia terris nascitur, & uiuit &c. sed quæso legat Alpinum quæserere solum in hac scriptura citat, & videbit illum tale augmentum à quantitate desumptum, euertere sic enim ait loca à se citata scilicet Dialogo de Balsamo cap. 2. Omnes prædicti nobiles Turca uno ore affirmant propè Mechem, & Medinam in montibus planis, cultis, & incultis, locis innumeras Balsami plantas sponte natas spectari, plurimasque etiam in arenosis, sterilibusque locis, qua tamen, vel nihil vel minimum succi producant. Quo stante nonne innumere illæ plantæ possunt multiplicari, & ex ea non nihil egiant, imò non paruum ad nostras oras asportari? Magna est Arabia in qua nascitur, & vasta Prouincia, rerumque similium feracissima. Sed ut ueritas ista tametsi iam satis oculato Veslingij testimonio comprobata, magis magisque aduersariis innotescat iterum audiamus Alpinum lib. de Plantis Aegypti cap. 14. sic loquentem. Scito ibi à Seriph Arabum Principe Opobalsamum solere locari, soluntque, ut audio, aliquot milia aureorum in singulis annis & qui habent ab ipso conductum, quibus volunt, vendunt. Quæ satis non uerba non exiguam Opobalsami quantitatem, sed magnam illic reperiri, cuiusque palam faciunt.

Tentat secundo intentionem suam probare ex loco, nam *Kenajis*, ut ait, unde aduenit, est, non usurpatur pro Thieriacâ conficienda, cum tamen ut subiungit, ibi sint Medici, aquæ docti ingenui, & boni Chirurghi, ni quam Medici nostri Collegij. Verum quid ad nos? Causa enim opobalsamum non utatur Venetijs hoc succo, iam supra in responsione ad huc

nymum



hymum fuit explicata. Neque id in Medicos Venetos est referendum, sed in Aromatarios, qui si proponerent suis Medicis superioribus tale, Opobalsamum, quale nobis proposuerunt Manfredus, & Ranquius, eandem vtiq; reportarent approbationem, vti isti.

Tercio idem probare conatur ex persona Mercatoris, dicens non posse *syncreum* Opobalsamum ad manus Mercatorum deuenire, quia ut ait Alpinus, Arabia interdictum est, ne prater fiscum, quis plantam Balsami ferere queat, vel succum, vel flores, vel ramulos, vel fructus sine publico mandato quis capiat. Requiritur publicum mandatum, & licentia, concedo ergo haberi non potest, Regis & ratio negationis designatur ex loco citato de Plantis Aegypti, imo ex verbis antecessoribus callide omittis, quae sunt haec. In Arabia vero multis locis innumera propemodum planta magno et illustri gentis lucro aluntur: neq; satis diu est quod apud Arabes utilitas, & luerum hoc agnoscitur: etenim Opobalsami quantitas multa in Oriente haecae portatur, quibus in locis cum succo infusum pretio est, multum ex Arabibus nunc Cayi umbabitatibus, narrant. Cuius succi lucro ab ijs cognito certatim multos balsami fructus ex aruosis, montuosisq; locis in vridaria transferre conantur. Quapropter ibi innumera balsameta vernantur. Legitamen ijs interdictum est, ne prater Fiscum &c. Nec quod addit de pauca quantitate Balsami dati quotannis ab Arabum Principe Turcarum Imperatori, quidquam officit, nam hoc est munus, & compensatio quaedam, seu tributum, ut ex eodem Alpino lib. citato de Plantis Aegypti apparet. Mittit enim, inquit Alpinus, Rex Turcarum haec Seriph manera haec, quippe clamydem auratam, eiusq; filijs, & fratribus centum, & quinquaginta milia aureorum in singulis annis, pro quibus muneribus ipse Regi Turcarum dono mittit quatuordecenas petias lineas Indicas subtilissimas, eiusmodi *fibissum*, de quo meminere sacra littera, & similari potest. Amplius cum eo bis mittit etiam Regi Opobalsami tres, quatuorve libras, & Praetor Cap. Phidran, utque Hamirag Peregrinorum semilibram. Sunt item alij duo Duces, haec Hamirag cum multis peregrinis, scilicet alter a Damasco, & alter ex Arabia felicis locis, Meebam, & Medinam visitatum venientes, quibus omnibus dat parum Opobalsami. Et paulo post prauidens quasi Alpinus hoc nostri aduersarij argumentum subiungit. Cateram ne ex hac historia dubites tantum Opobalsami habere Seriph, scito a Seriph Opobalsamum solere locari, soluta: ut audio aliquot milia aureorum in singulis annis &c. Ve simile tamen est succum illum, quem Turcarum Regi dono mittit esse pretantissimum omnino, atque selectum.



Addit

Addit quartò, vile pretium quo fuit emptum tollere omnem fidem veri Opobalsami, quod pecunia comparari non potest, ut ex Busbequio patet: unde Manardus lib. 3. epist. 3. asserit verum Opobalsamum, tanti pretij existere; ut totius Antidoti pretium peruertat. Responderetur tamen Busbequium, ut iam à me fuit scriptum, non loqui de quolibet Opobalsamo, sed de illo, quod in hortis Matarez prope Cayrum sitis, magnaq. diligentia cultis per incisionem colligitur; non autem de Arabico Opobalsamo, quod ob quantitatem, & copiam in qua Alexandriam, & Memphim deferretur, à quolibet haberi potest, & enl. ut ex Alplino, & Veslingio, iam ostendi. Nec Manardi auctoritas quicquam in hac re æstimanda est, cum ille, ut multi alij, ex eorum numero sint, qui populariter sentientes de hoc liquore, populariter etiam de eo loquuntur, excusandus tamen cum alijs, quia Alpini, & aliorum de huius celebrati succi existentia attestaciones non vidit.

Cur verò à tot sæculis ea careant, vel ut melius diceret non multum de illo habeant Itali, Galli, Hispani, & Germani, multaq. alie Nationes, id quod in sui tutelam assert. aduersarius, in causa fuit, tum difficile commercium inter Europæos, & Aegyptios, atque Arabes, tum locorum distantia, tum sedarum diuersitas, tum nostrorum Principum cum Orientalibus simulantes, tum demum neglecta perquisitio huius balsami, quod cū obtineri possit hoc nostro præsertim tempore, non sunt omnino excusabiles Medici, & Aromatarij, qui illud habere, atque emere non student; Quodq. hoc sit verum, non solum inculcat Alpini in epistola dedicatoria Dialogi de Balsamo, sed in libro etiam quarto de Medicina Aegyptiorum cap. 12. his verbis ostendit. *Diuersam sanè esse Theriaca Aegyptia compositionem ab ea, quam Andromachus scriptam reliquit, eaq. causa etiam nonnihil à sua antiqua præstantia defecisse, credendum profecto est. Quod peccatum commune etiam est nostris Theriacis, quæ à nostris Pharmacopolis ita parantur, ut multa desiderentur ingredientia multaq. malè substituantur non sine artis dedecore, veluti est acorus verus, calamus aromaticus, amomum, terra lemnia, Opobalsamum, Xilobalsamum, & carpobalsamum, atque alia, quibus nostra Theriaca caret quamquam illa simplicia lenissimo negotio haberi possent, si modo illa ipsa agnoscere vellent. Ex quibus patet non ad propriam excusandam, ut ille scribit, cooperiendamque simplicitatem, quæ cum prudens fuerit, non rudis, excusatione non egebat, ac velamento, me refudisse Opobalsami defectum in his regionibus in negligentiam, ne forte dicerem, Aromatariorum, sed quia sic loqui non videbatur, à ratione alienum in difficultate proposita.*

Ne-



Neque dictum hoc meum de tali Aromatariorum incuria in perquirendo Opobalsamo Orientali debent aduersarij ad Ecclesiasticos viros, & Antistites extendere, quia præterquam quod eorum vigilantia, & munifica sollicitudo cunctis vobisque patent, quis non scit ad Medicos non spectare scientiam Opobalsami in Ecclesia Dei, sed ad Theologos? ideoq. si quis a Medico in hac re dicta sunt, amicabilem esse interpretanda, assumendaq. Verum tamen non Theologus, & Sacrorum Rituum peritus, optimè tamen callebam non ita necessarium esse Opobalsamum Orientale ad Chrisma conficiendum, vt ad Theriacam coagumentandam. Etenim Sacramenti Confirmationis materia statuitur quidem Balsamum, sed an illud debeat esse Orientale, vel Occidentale, non decernitur, vt videre est apud Bonacinam Tomo primo de Confirm. Disp. 3. q. vnica puncto 3. præposit. 1. Vbi Concilij sacris, & quamplurimis Theologis citatis, statuit remotam Sacramenti confirmationis materiam esse Chrisma, quod conficitur ex oleo oliuarum admixto balsamo cuiuscumque loci sit. Vnde Coninchius De Sacramentis qu. 72. art. 3. dub. 1. num. 40. consimiliter loquens sic ait. *Nota demum ad essentiam Sacramenti confirmationis nihil referre an sit Balsamum Palestinum, an Indicum, sicut non refert ad consecrationem sit ne vinum Rhenanum, an Græcum, rubrum, an album etiam si forte hac specie differant. Vnde patet Paulum III. & Pium IV. non dispensasse cura Indis (vt quidam putant) vt liceret ijs balsamo Indico consicere Chrisma, sed tantum definitum esse illud balsamum esse verum, & sufficientem materiam ad conficiendum Chrisma.* Quare cum Ecclesiastici habeant balsamum Indicum, & Occidentale maiore forsan donatū fragrantia, quàm Orientale, & Arabicū, & vt istud incorruptionem præstans, quæ sunt cause propter quas balsamum ad tale Sacramentum adhibetur, vt docet S. Th. 3. p. q. 72. art. 2. ideoque necessitatem non habent perquirendi Orientale. At res aliter se habet in conficienda Theriaca, in qua nemine dissentiente, Orientale requiritur, & Occidentale vel expressè reprobari à multis, vel à paucis pro succedaneo recipitur. Incongruè ergo ne hanc temerè ad hanc controuersiam pertrahuntur Ecclesiastici viri, & Principes.

Ad illud verò, quod subsequenter scribit. *Parcat mihi D. Baldus qui oblitus est in medio eius, quod dixerat in principio, videlicet Opobalsamum ex decoctione esse nigrum, postea vero affirmet controuersum Opobalsamum habere colorem subuiridem ad aureum tendentem;* Respondet quod parcat mihi ipse, qui dormitandò meam legi propugnationem, in qua nunquam dixi Opobalsamum ex decoctione esse nigrum, sed

sed Busbequii sunt illa verba, non mea: sciebam enim ex Alpino Dial.  
de Bals. cap. 4: *Nigrum Opobalsamum nunquam ab aliquo Aegyptiorum,  
vel Arabum visum esse.* Non propterea tamen vituperandus, acquan-  
dusq. Busbequius, quippe qui loquutus ut Historicus, potius, quam ut  
Medicus dum nigrum appellat, & vile intelligit in comparatione ad fla-  
vum, quo fuit ab Hally Bassa donatus, non quod propriè velit esse ni-  
grum, & nullius pretij, cum tale non reperiatur in Oriente, quicquid  
dicat Plin. huius rei fortasse parum conscius, cum lib. 12. cap. 25. scribit.  
*Lacryma probatio, ut sit pinguis, tenuis, ac modicè ruffa, & in fricandp  
odorata. Secundus candido color, peior viridis, crassusq. pessimus niger.*  
Cum autem in eadem periodo improbatum relinquens non p'ss. euc  
nostrum Opobalsamum ex decoctione foliorum, & ramorum balsami  
factum, ut ego quasi affirmavi, & in dies magis magisq. confirmo, su-  
biungit, *nō posse esse ex balsami frutice, qui inculto loco nascitur, quia  
ex illo nihil colligitur, ut Alpinus (eo dicente) restatur.* Profecto vider-  
etur non intellexisse, vel noluisse intelligere auctorem hunc, qui tale quid  
nec loco à se citato, nec alibi scribit, sed solum, *quod in aridissimis, & ste-  
rilibus locis nihil, vel minimum succi tales planta producant.* Sed ubi  
loca montuosa, & plana, culta, & inculta, in quibus innumeras Bal-  
sami plantas sponte natas spectari Alpinus illic scribit, relinquit? an  
putat cum simplicibus rem agere? tallitur simplex. Aduertant ergo  
DD. mei quos committat in allegando errores.

Confimilem quoque lapsum in subsequenribus obseruent verbis, in-  
quibus contra Clariss. Zacchiam, & me exponētes signum veri balsa-  
mi desumptum ex macula non relinquenda ab eo in lanco panno, & di-  
centes relinqui sanè, sed non augeri, ut facit macula à rebus viciuosis  
relicta, ipse ait *Alpinum quem nos citamus huius declarationis aucto-  
rem, totum contrarium scribere,* & verba Alpini asserens putat se cum  
Idiotis Aromatariis agere. Quomodo enim Alpinus dum in illis verbis  
ait: *At sincerum quamquam paululum panno etiam instillatum inba-  
reat, tamen ipsum ut oleum non inficit, neque maculam relinquit, qui-  
nimo secus, atque oleum panno adherescens quotidie decrescit, usquequo  
tandem aliquo tempore sponte dissoluatur, & euanescat* contrarium scri-  
bit nostræ expositioni, in qua asseruimus non dilatari? An decrescere,  
& non dilatari sunt contraria? Decrescere, & augeri contraria sunt, &  
simul stare non possunt, secus decrescere, & non dilatari. Abeat ergo  
hæc infelix impugnatio.

Deuenit postea ad signum ex coagulatione lactis desumptum, & prius  
D. Zacchiae, deinde D. Bonanni expositionem impugnat contra illum.

dicens non perfectè coagulare, non esse secundum partem coagulare, ira vt vna pars sit coagulata, altera non, contra hunc verò affirmas Opobalsamum in lac iniectum tangere saltem virtuali contactu omnes lactis partes, non portiunculam tantum, ideoq. omnes debere coagulare, sed quanti valeant istæ suæ impugnationes illis ostendendum relinquo, ipsum verò ne pigeat interim Opiliones adire, & ab illis sciscitari an sufficiat virtualis coaguli contactus ad lac coagulandum, an realis, & cum proportionē agentis ad passum requiratur. Dum autem tertio loco me, vellicat, in arduam trahere tentat quæstionem de coagulationis causis ignorans sub Iudice adhuc esse litem, cui nam adiuvarum qualitatum talis debeat tribui effectus, & firmatum minimè esse, vt supponit, ad caliditatem eum spectare: præterquam quod siue vnam, siue alteram sequamur opinionem, firma adhuc remanet à me allata ratio de exigua in coagulando lacte Opobalsami vi, ex eius substantiæ tenuitate, & mediocri temperamento elicita. Verū non currēti modo, sed volanti penè calamo respondens, & viros magnis negotijs detentos alloquens, ab his supersedeo, contentus aduersarium tacitè fateri, quod nostrum Opobalsamum lac coagulet, licet non vt coagulum. quod nobis sufficit.

Ex quo, & alijs signis, quæ clariora in eo adesse animaduertuntur, concludere iam liceat, & ex eo præterea, quod rationes huc vsque in contrarium allatæ, & à me auditæ, nihil roboris habent, nequaquam damnandum esse pro falso, Opobalsamum nostrum, & theriacas cum eo compositas proijciendas.

An verò Scriptores ex aduerso id faciant, vt dicunt, *pro veritate, & non ad preces Aromatariorum*, cum agatur coram Iudicibus solertia, ac doctrina supra illos longè pollentibus, eorumq. auxilio ad cognoscendam veritatem non indigentibus, neque ad fauorem Rei, sed contra Reos prætenso, & ad finem vt eorum Theriacæ proijciantur, alij videāt.

*Exhibita DD. Deputatis die 26. Octobris 1639.*

## ROMANA OPOBALSAMI.

*Propugnatio Tertia.*

Xcellentissimi DD. Quartam tandem mihi licuit videre consultationem aduersus controuerſum Opobalsamum ab ignoto quodam Doctore conſcriptam, ſed cum eam non minori ſedulitate, quàm auſiditate perlegerim, plus fuci, quàm ſucci, elegantie quàm ſubſtantie, & amenitatis, quàm veritatis continere viſa eſt; idq. vt palam fiat cuncta in ea deſcripta perpendamus obſecro, ac trutinemus.

Dicit ergo primum Doct̃or iſte, *ſignum illud deſumptum ab eo, quod Opobalsamum verum in aquam iniectum diffunditur prius, mox verò ad ſuperficiem deductum, & exparſum, quaſi in araneam telam albeſcat, vt controuerſus præſtat liquor, neutiquam eſſe veri Opobalsami inditiſi, ſed adulterati;* cum Dioſcorides, Plinius, Simeon Sethi, & Saladinus verum Opobalsamum dicant ad ima ſidere, adulteratum olei modo innatare. Sed diſcultatem hanc perbellè delet Alpinus, & cū eo Michael Doringius, & Nicolaus Guibertus in ſuis De Opobalsamo libris, & multi alij recentiores, qui in tali ſucco diuerſa tempora, & varias ætates recognoſcendo, non in omnibus ad ima ſidere affirmant, ſed in vltima tantum, & cum ventilitate laborat; id quod nec videtur latuiſſe Simeonẽ Sethi, ex aduerſo citatum, quando hæc habet verba. *Sed & hoc amplius ſi probare velis, quod in proprio vigore eſt, & recens, id quoniam ſuper aquam enatat, eo linteuum irrigato, & ſi nihil linteuum inſecerit, ſed tantum illi odorem, & non maculam reliquerit, hoc non eſt adulteratum, ac ſcitiſſimum.* Nec proſectò ſolutioni huic deeſt ratio, quia cum ex Ariſtotel. 4. Meteor. cap. 3. & 2. de Gener. Animal. cap. 2. *oleum, & quæ pingua ſunt per ſumma aqua ſtudent*, balsamum vero tale exiſtat, vt iam iam dicemus, *multumq. ſpiritus, & aerea ſubſtantia*, quæ eſt Ariſtotelis ratio contineat, nequaquam poterit, niſi ſit ſenio conſectum, & ob vetuſtatem ſpiritus, atque aere orbatum, denſari, & in aqua poſitum ad ima ſidere. Vnde cum forſan auctores citati non viderint niſi antiquum Opobalsamum, non miſum ſi tale quid conſcripſerint, Plinius videlicet, & Saladinus, nam de Simeone Sethi iam eſt dictum aliter ſentire, & quod ad Dioſcoridem ſpectat, nonne cum *ſyncerum in aqua*,  
aut

aut lacte celerimè liquari, colorem, latefcere fcribit, fupernatationem videtur admittere, inſimulq. Plinium, & Saladinum redarguere? Quia ſi liquatur, quomodo, vt vult Plinius ad ima vaſis ſidens deſcendat? & vt putat Saladinus conglutinatur ad modum vnius perle rotunda in imo ciathi aqua pleni, ita vt cuspide ipſius cultelli extrahi poſſit? Vt cumq. tamen ſit, dicit aliquis experimentum demonſtraſſe effectum hunc ab artificiali quoque liquore produci poſſe, immò coram D.D. meis, & me aliſq. videntibus, fuiſſe productum. At ego ſubiungam, vt ſubiunxi non vnum ſignum, ſed ſyndromem requiri ad aliquid ſtabiliendum, vt mitam liquorem illum ſetidum fuiſſe, & album, nec in aquam calidam ad miſcibilia ſegreganda accommodatam, ſed in frigidam adulterationi detegenda non aptam ſatis, iniectum.

Arguit ſecundò ratione deſumpta, vt ſcribit, à natura rei, quia Opobalſamum ex omnium ſententia (vno ex infima claſſe lo. Pona excepto) reſinoſum non eſt, nec oleum, ſed liquor, ſive ſuccus, illud vero quod oſtendatur eſt omnino reſinoſum, ita vt ad naturam ſerè olei abietini proximè accedat, quare non eſt dicendum verum Opobalſamum.

Reſpondetur tamen non ſolum lo. Ponam à Carolo Cluſio virum doctiſſimum appellatum, conſtituere illud reſinoſum, & pingue, ſed Alpinum & alios: Vnde propter hanc rationem vult Alpinus, quòd ſuper laneam veſtem inſtillatum adhæreat: Etenim, vt ait, non modo ſuccus iſte tenax eſt, ſed ramuli quoque virides ſi digitis contrectentur, eis proculdubio adhærent, quod non nos modo, ſed etiam aliquos antiquorum vniſſe certum eſt. Nonne Strabo dixit: Eius corticem ſcindentes ſuccum in vaſis ſuſcipiunt tenaci lacti perſimilem? Quid? nonne Plinius notas ſynceri Opobalſami docens dixit, Succum balſami ſyncerum debere inbareſcere à Prætere, vt ego adiungo, nonne Theophraſtus dum lib. 9. cap. 1. inter lachrymas balſamum enumerat, & in eodem ordine cum thure, & mirra conſtituit, inter reſinoſa ſimplicia reponit? ac cum ait illud pinguedine conſtare, ideoq. odoratum eſſe, quia ea qua pingue dicant ſine odore proueniunt idem non confirmat? Inſuper an ne Paviſianus cum ſcribit Viperas nutriri balſamo, & his vtitur verbis. Quo enim veſcuntur Vipera vnguento maximè odorato, ita venenum temperatur, vt ex lethifero mitius fiat, excludit balſamū ab oleorum cæthologo? Amplius ſi nō eſt reſinoſum, & oleoſa natura, cur reſinis, & oleis, vt in maiorem molem excreſcat, adulteratur? Sed quæſo videat Doct̃or iſte Simeonem Sethi à ſe citatum, conſpicietq. ſuccum hūc vocari ab eo βαλσαμελαιον id eſt balſami oleum, adeatq. Meſuem, & alios rei Medicæ ſcriptores, à quibus inter olea reponi, atque explicari, videbit. In-

terim vero si non credit tot præstantissimus viris, dicat qui succus, qui liquor est Opobalsamum, & suum agnoscat in syllogizzando errorem.

Tertiò multus est in contexendo argumento ab odore, desumpto; quippe antiqui omnes, balsami odorem cunctis alijs odoribus prætulerunt, cum tamen controuersus succus vel terebinthinam, vel quid aliud cum modica suauitate, vel nulla redoleat.

Verum ut huic argumento cuius tota vis in maiore propositione sita est, distinctè, ac sigillatim satisfiat, Poetis in primis respondetur, ex eorum videlicet cantilenis nihil aliud elici, nisi quod balsamum sit odoratum, quod vltro libenterq. concedo: patet autem rem ita se habere carmina adducta consideranti; quæ sunt hæc.

*Quid tibi odorato referam sudantia ligno*

*Balsama?*

Virg. 2. Georgic.

*Nec minus Assyrius bene olentia balsama portet*

*Et lachrymam, signumq. simul quod balsama donat*

*Semper odoratum.*

Gal. 1. de Antid. in Andr. Ther. descript.

*Et Cybrios cum odoro fructu balsami.*

Idem 2. de Antid. cit.

*Balsama me capiunt, hæc sunt unguenta virorum*

Martial. 14. Epigr. 54.

*Balsama qui semper, cinnama semper olet.*

Idem lib. 3. Epigr. 63.

*Gemmatis alijs per totum balsama tectum*

*Effudere cadis, duro quæ saucius ungue,*

*Nihacuspingui desudat vulnere cortex*

Claudianus in Epithalamio Palladij, & Sereñæ, in quo cum dixisset, & rosas, & violas à Paranimphis affatim fuisse innuptiarum Thalamum profusas, illa habet carmina, ex quibus, & ex supra allatis, ut aduersarius vult colligi eximiam suauitatem, sic nos odorem solum cumq. gratum, & suauem, deduci arbitramur.

Quod verò spectat ad Philosophos, & Medicos Respondetur Theophrastum cum in Græciam non aduehi verum Opobalsamum, sed adulteratum scribat, & ex aliorum non ex propria sententia loquatur (dicit enim tradunt) parum aut nihil aduersarijs prodesse, ut mittam loqui eum de tali succo, quando unguibus ferreis facta in caudice, & parte superna Arbusi incisura, colligitur: quo tempore tradit odorem inferri eximium, & copiosum, adeo ut ex paruo spatium per longum odor valeat permeare. Non ergo ad rem facit Theophrasti auctoritas, & si etiam faceret, non video quanti æstimanda esset ab aduersarijs, cum eodem libro nono capite 2. hanc eandem penè suauitatem, quam cap. 3. contra



ac sentiant Dioscor.& Plinius, attribuit primum carpobalsamo, deinde & Xilobalsamo, terebinthi lachrymæ, quam vocat *odore gratissimam*, non denegat. De Plinio etiam mox adducto, non aliter sentiendum videtur, quippe qui vel loquitur in ordine ad res odoratas sui temporis, vel Rhetorico modo non Physico, quemadmodum facit infra describens qualitates ipsius, vel non satis sibi constans, suspectus fit, & modicæ fidei. In eodem enim cap. 15. lib. 12. in quo scribit *balsamum omnibus odoribus præferri, & esse suauitatis eximia*, scribit quoque esse in *frigidè odoratum*, & paulo post esse debet *odore tantum austerus*. Vnde si balsami lachryma est eximie suauitatis cur eget fricatione, vt talis appareat? & si eius odor est tantum austerus, quomodo tam suavis, & gratus, eum austerum, & suaue contraria quasi sint? Ex Dioscoride quoque non plus roboris desumit argumentum propositum: cum enim validi odoris Opobalsamum constituit, talem non exprimit suauitatem, qualem ex aduerso prætendunt omnes; etenim particulam *ivodis* quam vsurpat ad denotandum talem odorem, adhibet quoque ad exprimendum odorem Myrrhæ, & picis aridæ, quæ sanè, vt aduertit Rondoletius, suauitatem non spirant. Quod si adhuc intent, nec valorem hunc in nostro Opobalsamo reperiri, ad eundem si sensus non sufficit, Dioscoridem eos demandabo, & ab ipso intelligent validum hunc odorem, quem eximie suauitatis loco perquirunt, non cuiuslibet Opobalsamo, sed præstantiori tantum, quale nostrum non est, conuenire non enim aliud sonant illa verba, *summa probatio est vt sit recens, validi odoris &c.* quam excellentius Opobalsamum, ac probatissimum esse illud quod recens est, & validi odoris, illud verò quod recens non sit, & odoris validi, non adeo præstans, atque excellens, probatumque existere.

Sed quid ad Salomonem cum ait *sicut cinnamomum & balsamum aromatizans odorem dedit illiusq.* Commentatores, qui scribunt nomine Vinearum Engaddi intelligi Balsamorum viridarium, quod suauissimè longè latèq. spirabat odore? Iam patet responsio ex prima consultatione, qua statutum est ex tali Salomonis loco non suauem, sed aromatizantem colligi odorem, & quod spectat ad vineas Engaddi iam vidimus ex Borcardo Argentoratensi, & Kormanno in secunda responsione ad Eudonymum tales vineas delicatissimas esse, & speciosas, & nihil de tanta suauitate narrari.

Illud etiam quod ex Ecclesiaste cap. 24. adducit, & in quo multos video, vt in argumento magni roboris, sibi complacere, videlicet *Et quasi balsamum non misitum odor meus*, non plus valet, si præsertim integra, non mutilata afferantur sacri textus verba, quæ sunt ista. *Sicut cinnamomum*.

*mum.*

*mum, & balsamum aromatizans odorem dedi, quasi mirra electa dedi suauitatem odoris, & quasi storace, & galbanus, & ungula, & gutta, & quasi balsamum non mistum odor meus.* Ponat ergo scriptor ex aduerso particulam (quasi) cum storace, & galbano, & ungula, & gutta, & balsamo non misto, & deinde videbit quam suauitatem eliciet. Mysticus est iste loquendi modus, & supra latrophysicæ spheram se extollens. Ideoque non erant in medium afferenda sacra hæc testimonia ab Aduersario, quem iam cautum facere debuerat alterius Aromatariorum Patroni sese Theologicis immiscere volentis, periculum, & quem non latuisse talis loci expositionem à D. Bonanno ex Cornelio à Lapide adductam, verisimile est, At namq. eximius iste Theologus (vt res pulchra iterum audiat) *Balsami odor virtutem habet masculam, & fortem, quo circa balsamum velut virile, & generosum reliquis unguentis præcellens viri adhibere solent, cum feminis daretur Anomum Assirium, aliaq. id genus delicata unguenta iuxta illud Martialis.*

*Balsama me capiunt hæc sunt unguenta virorum,*

*Delicias Nini vos redolet nurus,*

*Hinc materia Sacramenti Confirmationis, quo perfecti Christiani efficiuntur, unguimur. quasi milites, & athleta Christi ad pugnam contra Diabolum, carnem, & mundum &c. & paulò post. Virtutum Deipara fragrantia nil habuit molle, & effeminatum, sed virilis fuit, & mascula. Quod si his non acquiescit, audiat Glossam ordinariam in locum adductum, & mysterium veneretur. Balsamum, inquit, solent agricola acutis lapideis vel ossis cultellis incidere, nam ferri tactus noxius est. Per incisionem manat succus odoris eximij lachrymæ pulchre, & arantibus lana exceptus, parua colligitur in cornua. Gratia præcipua debetur lacrymæ, secunda semini, tertia cortici, minima ligno. Christus quoque humilis in carne, sed plenus gratia, & virtute vulneratus est propter iniquitates nostras, & nobis vita, & salutis Sacramenta profudit. Vnde & quasi balsamum non mistum odor meus. An plura desiderat Nicolaus de Lyra sic loquente auscultet. Hic, inquit, ponitur dilatio fame cultus diuini in Hierusalem augmentati, quæ uidet fama diffusio significatur sic per boni odorem iuxta illud Cantic. 1. post te curremus in odorem unguentorum tuorum & 2. Cor. 1. Christi bonus odor sumus; recte sentur autem plures arbores & species aromaticæ, quarum proprietates explicare non est ad propositum; nã hic solum introducuntur ad designandam diffusionem bonæ fame per suauitatem sui odoris, sicut & arbores præresse in parte præcedenti ad exprimendum augmentum cultus diuini. An autem hoc idem significant sacra illa Ezechiel 17. verba. Balsamum, & mel, & oleum, & resinam proposuerunt*



*runt in mundinis tuis, & illa à S. M. Ecclesia in Missa pro pluribus Martyribus tempore Paschali adhibita. Sancti tui Domine floreant sicut lili-um, & sicut odor balsami erunt ante te. nec aduersarius dat occasionem dicendi, nec si daret, sine temeritatis forsitan nota, liceret aggredi, ac dicere: reuertamur ergo ad res nostras.*

Impugnat subsequenter doctor iste, quod aliis fuerat à me dictum, ideo nempe in tanta existimatione fuisse apud veteres balsami fragrantiam, quia tunc carebant suauioribus odoramentis postmodum inuentis, ut moscho, ambra, zibeto, belzoino, & similibus, & dicit etiam tunc fuisse iunctundissimos odores, ut lignum Aloe, cassiam odoratam, cinnamomum, iuncum odoratum, storacem, & huiusmodi; ex quibus tam pretiosa conficiebantur odoramenta, ut etiam nobiles puellara concinnarent, iuxta illud Catulli.

*Vnguentum dabo quod mea puella*

*Donarunt Veneres, Cupidinesque,*

*Quod cum olfacies Deos rogabis*

*Totum, ut te faciant, Fabulle, nasum.*

Addamus & nos amaracum ex quo conficiebatur vnguentum amaracium dictum, quod tam suauis existimabatur, ut extaret Adagium. *Nihil cum Amaracino sui.* sic Crocus tunc erat in pretio. Vnde Propert. *Pulpita solennes non obluere crocos, & alibi. Sit mense ratio, voraque inter pocula currat.*

*Et crocino nares murrbeus ungat Onix.*

Nardus quoque odoratissima habebatur. Vnde idem Propertius.

*Cur nardo flamma non oluere mea? & Lucretius*

*Et nardi florem nectat, qui naribus balat.*

Amomum etiam summè commendabatur ut suauis, & odorum, Vnde Syhus lib. 111. *Nec cinem Assyrio perfundere pugnet Amomo.*

Verum quis comparabit res istas cum moscho, ambra, zibeto, alijsque permultis rebus, quæ tam suauem emittunt fragrantiam, ut cuilibet demonstrare possint, quàm longè magis hoc nostro floreat suo Myropolitæ ars, temporibus antea actis? Nec quod de oleo illo in veteri Testamento descripto, & virato assertur quicquam nisi contra ipsum concludit: ca-rebat namq. balsamo, & cum solum constaret myrrha, cinnamomo, calamo odorato, & cassia, quis non videt postponendum venire moscho, nardum, & ambra, sed tot suffumigijs, & aquis, extractisq. ex rosis, iasminis, floribus citri, alijsq. hoc tempore adinuentis, & usurpatis? At cum subiungit myrrham, & cinnamomum ad nos non asserti hoc tempore nisi adulterata, in soueam, quam alijs parauerat, misere cadit. Si enim antiqua

sua-

suauitate orbata, & non syncera, sed adulterata medicamenta hæc ad nos aduehuntur (quod tamen non semper fieri docet inter alios Marcus Odo Patavinus lib. 2. de Ther. & Mithrid. cap. 2. & confirmat Brasavolus De Gummis pag. 366. his verbis. *Nos Venetijs veram myrrhā vidimus, talem, qualem à Dioscoride pictam audiuiſſi. Id tamen ſcito odorem, quidem ſuauem, non ſuauiſſimum habuiſſe, ſed potius erat cum quadā grauitate*) cur non reiſci debēt vt Opobalfamum noſtrum, quod ideo nō placet, & ab ingreſſu in magnas Antidotos arcendum putatur, quia non habet odorem tam ſuauem, vt tradiderunt antiqui? Quæ lex Opobalfamū reiſcit, & myrrham quæ non vt illud benè olet, ſed vt ait Manardus *pro ſuaui odore ei à veteribus attributo, teterrimum virus obolet*, amplexatur? An dicet hanc non habere ſuccedaneum, & ideo recipi? Sed hæc eſt fuga non ratio: præterquam quod enim imperfecta myrrha poteſt dici perfectioris ſuccedanea, idcirco ſciat non aſſignaſſe Medicos ſubſtituenda myrrhæ, & conſimilibus medicamenta; Opobalfamo autem, Xilobalfamo, & Carpobalfamo aſſignaſſe, quia ex illis ſiue perfectæ, ſiue imperfectæ fuerint, aliquid ſemper ad nos eſt aduectum, at balfami ſuccus, lignum atque ſemen, cum in Iudæa, & Aegypto, vnde in Europa adſportari conſueuerant, penè deſeciſſent, & ex Arabia non ſolerent cum alijs aromatibus aliò deſerri, aut in exigua admodum quantitate; hinc factum eſt, vt Medici illis priuati, ſuccedanea coacti ſint inuenire, & Pharmacopolis præſcribere. Modo autem cum iam eluceſcat ſuccus iſte, & ex Arabia, Memphim, & Alexandriā, & inde ad nos peruenire poſſit, & perueniat, vt præter Mercatores Venetos, Venetus Medicus clariffimus Aemilius Pariſanus in Epitholis ad D. Bernardinum Meſſorium Collegam, & D. meum teſtatur, cur debet repelli, & iniquius tractari, quàm myrrha, & cætera non pauca medicamenta, quæ tametſi odoris fragrantia, aliſque qualitatibus ab Antiquis Scriptoribus eis attributis, minus valde gaudeant, quàm noſtrum Opobalfamum, adhuc tamen ſine vilo Aromatariorum ſtrepitu recipiuntur, adhibenturq. Verùm ad penſum redeunt, quod vt dictum eſt vario modo philoſophandum ſit de odoribus iuxta noſtram, ac veterum ætatem, hiſce Rondeletij verbis Tract. de Theriaca magna cap. de Mirra confirmare liceat. *Sin hæc ratio, inquit, non placeat, dicemus Veteres non adeo delicatos fuiſſe, atque ſumus, & quod nobis male olet, vt mirra, illis benè, & ſuauius oluiſſe, quod inde probari poteſt, quod in ſuis unguentis ad delicias paratis, Galbanum amiſcebant, quod haud dubiè fetidi eſt odoris.*

Non ſolum autem, vt adiungo, galbanum, quod ex Theophraſto *grauius olet*, ſuis amiſcebant odoramentis, ſed reſinam terebinthinam oleum

oleum è myrto, & lauro, aspalathum, melilotum, fenugracum, & huius  
 census alia, vt apud Plinium videre est lib. 13. cap. 1. & 2. quo in loco  
 de vnguentis ad odorem antiquitus paratis narratione insinuat, varias  
 eorum affert notas, & descriptiones, ex quibus euidenter valde conspici-  
 tur longè admodum nostros excellere odores odoribus antiquorum: ex  
 plo autè sint magis celebrata tunc temporis vnguenta *megalum, foliatum,*  
*& regale*. Illud enim propter gloriam, vt ait Plinius *megalum nuncu-*  
*patum, ex oleo balanino, balsamo, iunco, Xilobalsamo, cassia, & resina*  
 componebatur. *Foliatum* verò, & spicatum tam celebre apud Roma-  
 nas matronas, vt pluries, ait Galenus, *Nardinum* quoque Plinio di-  
 ctum *ex omphacio, balanino, iunco, costlo, nardo, amomo, myrrha, balsa-*  
*mo*. At *regale* istà appellatum, quoniam Parthorum Regibus erat inuen-  
 tum *ex myrobalano constabat, amomo, cinnamomo, costlo, comaro, car-*  
*damomo, nardi spica, maro, myrrha cassia, styrace, ladano, Opobalsamo,*  
*calamo; iuncoque Syrio, ænanthe, malobathro, Serichato, cypero, aspa-*  
*lathe, croco, cypro, amaraco, melle, vino*. Sic apud Græcos quantumuis  
 vt idem ait Plinius vitiiorum omnium genitores, non alia erant in vsu ad  
 sumptuosissima vnguenta elaboranda, quam, vt Theophrastus ait lib. 9.  
 cap. 7. *cassia, cinnamomum, cardamomum, nardus, nerum, balsamum,*  
*aspalathus, styrax, confetratrix, narta, costus, lygusticum, crocum,*  
*myrrha, gladiolus, iuncus, calamus, sampucus, lotus, anethum*. Ex  
 quibus non solum colligitur caruisse veteres suauioribus nostri temporis  
 odoramentis, sed Opobalsamum non fuisse apud illos in ea existimatione  
 vt putarent egregiam olere suauitatem, & cunctis fragrantius extare;  
 alias enim illo vsi essent ad delicias solo, & non cum alijs inferioris  
 conditionis admixto, aut saltem vt basi; & principali sumptuosorum vn-  
 guentorum materia; quod sanè non præstarunt, nam vt Plin. ait pro *bassi*  
*ad acutiora vnguenta efficienda costlo* utebantur, & *amomo: ad crassiora,*  
*& suauiora myrrha, ad medicina utiliora croco, ad acerrima tandem*  
*per se amomo*.

Quare cum Balsamo in suauitate odoris primus non tribuatur locus,  
 sed myrrhæ, ex qua propterea ars conficiendi odores suum forsitan traxit  
 nomen, & *μυρρικολις* dicta est, quis non videt in maximo versari errore  
 illos omnes, qui de nostro Opobalsamo philosophari volunt in compara-  
 tione non ad myrrham, & alia, quæ Priscarum æuo vt summè odorata  
 habebantur in pretio, sed ad res posterius inuentas, ambram, moschum,  
 zibettum, belzoe, eiusque, vt aliqui putant speciem, Indicum illum liquo-  
 rem Balsamum, & ipsum nuncupatum.

An forsitan quod exaduerso dicitur non myrrham vt sic, sed pretiosissi-

mam eius partem statē vocatam, eam esse, quæ apud antiquos odoratissima existimabatur, & basis odoramentorum fiebat; eiusque respectu considerandam venire Balsami lachrymam, non myrrhæ ordinariæ adulteratæ ut plurimum, ac ementitæ nostram eludet responsionem? Neutiquam certè: nam præterquam quod verisimile non est, ut statē quæ ex Dioscoride erat *pinguedo recentis myrrhæ cum exigua aqua tusa, & organo expressa*, vel ut ait Plinius liquor ille, quem *myrrhæ arbores sponte sudant prius quàm incendantur*, in tanta copia colligeretur, quæ posset deservire pro tot odoramentis, quæ potissimum cum myrrhæ componi consuevisse apud Dioscorid. Plin. & alios habemus; adhuc tamen si ad illius comparationem loqui velimus nec Balsamum erit quale præterdunt, nec priscorum odores erunt nostris æquandi. Vocat sanè Dioscorides *statē per quam odoratam, & pretiosam*, & Plinius ait quod *myrrhæ per se unguentum facit sine oleo, statē duntaxat*; at si perquiramus quid nam sit hæc myrrhæ pinguedo, & quam esset suavitatem, utique dicemus cum Persio *magnos promittere montes*, etenim Brasauolus inexam. Gummi pag. 367. de statē loquens sic ait. *Re vera statē ea res est, quam nos liquidam styracem vocamus, & pag. seq. idem confirmat ex Serapione sic scribente. Styrae liquidæ est pinguedo myrrhæ recentis, & extrahitur à myrrhæ, quia terunt eam cum aqua pauca, & premunt cum torno, & est boni odoris.* Vnde postea subiungit, *styracem liquidam à Serapionis esse Dioscoridis statē.* Id quod & Matthioli habet in Dioscorid. lib. 1. cap. 62. & confirmat Gottæus in Desl. Medicin. particula. Statē. & post ipsum Franciscus Sanchez libello de Theriaca ad Pharmacopoeiæ. 5. ubi propterea docet Opobalsamum substitui debere styracem liquidum, quippe qui sit Dioscoridis statē, quæ Galenus lib. de Substitutis Opobalsamo supponit. Modò qui eximius odor, quæne suauitas, & mira fragrantia in styrae isto reperiatur, nemo est qui non sciat esse validum, & suauem, sed ut dicebat Brasauolus de perfectissima myrrhæ, *cum quadam gravitate.* Vnde non mirum si Lucretius æqualem dixit unguento Amaracino ex amaraco id est samphsuo *acris odoris*, ut ait Plin. coagmentato, cum cecinit lib. 2.

*Sicut Amaracini blandum statēque liquorem.*

Verum ut illustrior hæc nostra de recentiorum odorum prerogativa, supra antiquos assertio magis appareat, non incongruè facit consideratio tam celebrati apud ipsos Thuris, cuius tanta fuit commendatio, ut vel eius erymon à verbo græco *θύσις*, quod est sacrificare, vel ab eo sacrificium, siue *thymiasis* id est *thurificatio*, & odorum incensio à plerisque

risque deducatur, vt lib. 3. de Mineral. cap. 13. sect. 1. notat Eruditissimus Celsus: Et Arabia, quæ eius natale solum à Strabone, Ptolomæo, Dioscoride, alijsq; constituitur, non ob aliam causam Felix dicitur, & vt ait Plinius, *odorifera, diues, & beata cognomine iuchya*. nisi quia in ea thus nascitur, videlicet in ea parte, quam incolunt Sabæi, & Minæi: qui propterea *Sabæi*, apud Plin. lib. 6. cap. 28. dicuntur *Arabum propter thura clarissimi*. Vnde prædictus Celsus post multa de hac Prouincia, quæ vt Curtij lib. 5. verbis vtat est *odorum fertilitate nobilis regio* sic tandem concludit. *Maneat ergo Arabiam thuris feracem, merito appellari à scriptoribus odoriferam, thuriferam, aromatiferam, beatam, felicem, sacram, cum propter præstantissima aromata immortalis fragrantia odore; tñ & multo magis ob thurea dona sacratissimis Diuini cultus ritibus dicata; quæ provenire in Sabæa Arabia felicis regione est certum*. At verò non thuris modò, sed balsami quoque feracem esse non solum idem affirmat Strabo lib. 16. cum ait *Proxima est felicissima Sabæorum terra, quæ maxima natio est*. Apud hos thus, & myrrha & cinnamomum nascitur, In ora etiam balsamum, & alia quadam herba valde odorata, quanquam eius odor citò deperit. Sed præter auctores non semel adductos, videtur etiam confirmare Virg. 2. Georgic. cum ait.

*Diuisa Arboribus patria, sola India nigrum*

*Fert Ebenum: solis est thurea virga Sabæis;*

*Quid tibi odorato referam sudantia ligno*

*Balsamaque, & baccas semper frondentes acanthi?*

At si Balsamum (subiungo ego) tam eximie suauitatis existit, quem admodum pleròque aiunt aduersarij, cur non ex illo, sed ex thure tot sibi vèdicat Arabia prærogatiuas? tot sibi asciscit nobiles titulos? Cedere ergo balsami odorè thuris suauitati quauis nō eximie, & Hispanicis suffumigijs postponendæ, clarum nimis est; ideoque non mirum si antiqui balsamo omisso, vel eo tantummodo forsan adhibito pro cōdiendis cadaueribus thura vsurpabant ad præstantiores vsus, ad cultum nempe Diuinum, & cadauerum sustinenta. Quapropter Leuitic. 2. habetur, *fundet super eam oleum, & ponet thus, ac deferet ad filias Aaron Sacerdotis, quorum unus tollet pugillum plenum similia, & olei, ac totum thus, & ponet memoriale super altare in odorem suauissimum Domino*, quod idem legitur etiam cap. 15. Et Exodi 30. 34. *thymiana ad Dei cultum ex istacæ, onycha, galbano, & thure mandatur cōponi*. Sic pariter Ethnici in honorem Numinum thus adhibebant, vt de Alexandro Magno habet Plin. lib. 12. cap. 14. his verbis *Alexandro Magno in pueritia sine parsimonia thura ingerenti, pædagogus Leonides duxerat, vt illo modo cum deuicisset*

*thuriferas gentes supplicaret. At ille Arabia potitus thure onusam nam misti ei, exortatus ut large Deos adoraret. Et de Troianis, licet aliter sentiat idem Plin. lib. 13. cap. 1. (damnatus tamen à Mercurial. lib. de Decorat. cap. 23.) videtur ostendere Virg. 1. Æneid. canens.*

*Ipsa (idest Venus) Paphum sublimis abit, sedesque reuifit,*

*Lata suos, ubi templum illi, centumque Sabao,*

*Thure calent Ara. & 6. Æneid.*

*Vna omnes iuuenum primi, pauperque Senatus,*

*Thura dabant, tepidusque cruor fundebat ad auras.*

*& 11. pariter Æneid.*

*Succedunt matres, & templum thure vaporant.*

*Quem Veterum vsum confirmat etiam Eclog. 8.*

*Effer aquam, & molli cinge hac altaria vitta,*

*Verbenasque adole pingues, & mascula thura.*

*Idem innuit Ouid. lib. 4. de Ponto Eleg. 8.*

*Nec qua de parua pauper Dijs libat acerra*

*Thura minus grandi quam data lance valent.*

*Sic Orat. lib. 1. Carm. Ode 19.*

*Verbenas pueri ponite, thuraque*

*Bimi cum patera meri.*

*Maestata veniet lenior hostia.*

*& lib. 3. Carm. Ode 8.*

*Martij calebs quid agam Calendis.*

*Quid velint flores, & acerra thuris*

*Plena miraris positusque carbo in*

*Cespite viuo.*

*Et lib. 4. Ode 2.*

*Civitas omnis, dabimusque Diuis*

*Thura benignis*

*Sic Tibullus lib. 2. Eleg. 2.*

*Vrantur pia thura focis, vrantur odores,*

*Quos tenerè terra diuite mittit Arabs*

*Sic Seneca in Hercule furente a Qu 4.*

*quicquid Indorum seges*

*Arabesque odoris, quicquid arboribus legunt,*

*Conserte in Aras, pinguis exudet vapor*

*Date thura flammis.*

*Idem confirmat idem in Oedipo actu 2. Claudian ad Hadrian. Statius Pipin. lib. 4. Sylvarum ad Marcellum, & alij, quos omitto quia eos citat in sua scriptura Doctissimus Collega meus Manelfus, dum in hoc argumento ab odore petito dissoluendo, versatur.*

*Quod verò in cadauerum etiam funere thus adhiberent, patet ex Virg. 6. Æneid.*

*Auerfi*

*Auerſi tenuere facem, congeſta tremantur*

*Thura dona.*

Et ex Martiale lib. 6. Epigr. 60.

*Accipe cum ſtetu morſi breue carmen amici.*

*Aique hæc abſentis thura fuiſſe puta.*

Quid nōne Cicero utrūq; uſum videtur innuere cū lib. de officiis ait *Omni-  
bus vicis ſtatua factæ ſunt, ad eas thus, & cerei.* Et Plin. lib. 22. cap. 24.  
*Odorum cauſa, unguentorumque, & deliciarum ſi placet etiam ſuperſti-  
tionis gratia emantur, quoniam thure ſupplicamus, & coſo.*

Nec quis dicat idcirco à veteribus, & Alexandro Magno fuiſſe adhibi-  
tum thus, non baſamum in honorem Numinum, quia hoc carebant non  
illo, nam ut mittam eandem Arabiam, quæ thus ſuppeditabat, potuiſſe,  
quoque baſamum impertire, illud addam, quod ad Magnum Alexandrum  
ſpectat, ei uidelicet non fuiſſe Baſamum ignotum, ut ex eius episto-  
la ad præceptorē Ariſtotelem habetur. *Locus autē erat apud Indos* (inquit ille)  
*ſpacioſus, & largus thure, & Opobalſamo abſudant, quæ plura ramis ſuo-  
rum nemorū innascebantur, & paulo poſt. Video Opobalſamū cum optimo  
odore, omnibuſq; undiq; ramis abſudantiſſimè manare, & infra. Itaq; à ſacris  
exceſſeramus arboribuſ, nec iā odore thuris, Opobalſamiq; nareſ uerbe-  
rabatur.* Quod autē in India Baſamū ſit, ſcribit etiā Cōſtant. Aphricanus.

Quare ſicut hinc colligitur adhuc certius quod à nobis pro reſponſione;  
fuit allatum de nouarum rerum ſupra antiquas præſtantiori ſua uitate,  
ideoque non in ordine ad recentia odoramenta, ſed ad priſca de Opobalſa-  
mo philoſophandum eſſe, ſic non ita certum puto quod ſupra cum Ron-  
deletio ſcripſimus de veteribus non adeo delicatis exiſtentibus atque nos  
ſumus, quin explicatione non egeat; etenim quod nobis malè olet, illis  
bene oliſſe, in penuriam, & defectum meliorum odorum referendum eſt,  
non in ipſorum ſecordiam, & ruditatem, cū de pretioſis aut habendis, aut  
cōponendis odoramentis maximopere eos exiſtiſſe ſolicitos, longeq; for-  
ſan magis quā noſtri, vel molliores, & effœminati homines, non de Perſis  
modo, Parthiſ, Aegyptiſ, aliſq; exteris Nationibus, ſed de Romanis quoq;  
loquendo, ſatis pateat. Reperi, t namque Magnus Alexander expugnatis  
Darij Caſtris ſcrinium unguentorum laudatiſſimorum. Parthorum Reges  
vegali nuncupato odoramento tribuerunt nomen, & famam. Aegyptus  
Rt ait Plinius terrarum omnium accommodatiſſima unguentis eſt, Vnde  
apud eos in pretio ænanthinum odoramentum, & Cyprinum, ſicut in Delo  
Mendefium, in Coſo Amaracinum. in Solis Ciliciz Crocinum, in Tarſo  
Pardalium, Corinthi Irinum, Mityleniſ, & in Cypro Samsuſinum, Athe-  
niſ Panathenaicum, & alibi alia. Verum noſtri Romani *Gens in toto or-  
be, ut cum Plinio loquar, tametiſ, una, omni uirtute præſantiſſima ad-  
miſce-*

miserunt, & ipsi vnguenta hæc exterorum imò, & pretiosa magis concinnarunt; vnde non apud fæminas modo erant in usu, sed apud Imperatores ipsos ad *pedes quoque tingendos*, vt ait idem Plin. lib. 13. citat. & in *Castris*, vbi *Aquila*, ac *signa puluerulenta illa*, & *custodij; horrida inungebantur festis diebus*, exclamat propterea. *Mirum maxime est banc gratiam penetrasse, & in castra. Ita est, nimirum hac mercede corruptæ terrarum orbem deuicere aquila.* Ita patrocinia *quarimus vitij*, vt per hoc ius sumantur *sub casside vnguenta*. Hinc propterea *excedebant quadragenos denarios libra*. Hinc *P. Licinius Crassus, & Iul. Caesar Censores edixerunt ne quis venderet vnguenta exotica: sic enim appellauere.* Vtebantur namq. illis etiam *in potu*, & ipsi spargebantur *parietes balnearum*, & folia *Cajj Principis temperari ijs aliquem iussisse* audiuit Plinius. Quodq. ad proprium spectabat corpus habebant omnibus serè partibus accomodata peculiaria odoramenta, pro toto nempe corpore vnguentum *myrsinum* per pedibus, & manibus *egyptium* pro genibus, & *mammis phanion*, pro cilijs, & *comis amaracinum*, & pro genibus, & collo *serpillinum*, vt colligit Mercurial. lib. de Decor. c. 29. ex Athen. Lucr. & Clem. Alex. ideoq. concludit *Veteres in cõponendis vnguentis admodum luxuriantes, & copiosos fuisse.* In tanto tamen luxu, quid cum nostris odoramentis æquandum venit?

Caterum, vt ad argumentum à quo suauis odorum contemplatio aliquo modo me auertere visa fortasse alicui est, redeam, dum subiungitur, non ad euitandam propositi argumenti vim, ad vnum Prosperum Alpinum, tanquam ad Asylum confugere, quippe qui in Aegypto diu moratus, & istius rei bene conscius non alium redolere Opobalsamum odorem affirmat, quam eum qui est inter thus, & therebinthum cum suauiori tamen odoris fragrantia, sciant velim non ad illum, antiquis relictis, nos confugere, sed eo tanquam lapide lydio vt ad auream antiquorum de balsamo doctrinam, veritatemq. ipsam accuratius, intimiusq. cognoscendam. Veteres namq. scriptores, vel de Arabico Opobalsamo non habuerunt notitiam, sed solum de Iudaico, & Aegyptiaco, vt Dioscorides, & Plinius alijq. non pauci, vel si illud agnouerunt, vt Strabo, Pausanias, Theophrastus, Ioseph Hebræus, & Diodorus Siculus, adeo tamen parcè, & in ordine ad medicinam steriliter de illo loquuti sunt, vt ad Alpinum reliquosq. recentiores illius non exiguè conscios, accedendum foret, & ab ipsis veri Opobalsami, vt Arabicum quoque est, characteres, & nota hauriendæ. Nec dicat ad Alpini testimonium euitandum, odorem terebinthi, & thuris in similitudinem tantum adduci, quia non tantum in similitudinem, sed in participationem extremorum, vt cuiusq. misti etiam acciden-



cidentalis est proprium Aristotele magistro, adducitur. Quod si in nostro Opobalsamo suauiore odoris fragrantiam, quam in thure, & terebintho simul vnitis non agnoscunt, vel vt melius dicam non concedunt, agnoscimus nos, & agnoscendo satemur, quod tamen si maior forsitan in ipso, & excellentior desiderari posset, haud tamen è balsami genere debet excludi, & à medico vsu arceri. Vnde cum Alpinum, addit, non loqui de Balsamis cultis, sed spontaneis, horumq; succum in medicum vsum adoptandum non esse, Alpino nedam de cultis, & incultis loquente, contradicit, sed veritati ipsi, cum Balsami lacryma siue ex culta, siue ex spontanea arbore orta, specie minimè differant, sed solum individualiter secundum maiorem, vel minorem perfectionem, quæ sanè differentia, & varietas, nequaquam debet, aut potest imperfectius, ignobiliusq; indiuiduum à muneris speciei mandato, semouere.

Quoniam autem ingenuè fassus sum Opobalsamum nostrum non omnia quæ de perfecto Opobalsamo fuerunt ab antiquis promulgata, admissim possidere, ideoq; posse esse non per incisionem corticis collectum, sed per decoctionem ligni, frondiumq; elicatum, ille nihilominus me audeat arguere Busbequii primum à me adducta auctoritate, qua nigrum esse tale balsamum constituitur; deinde verò ratione quod nimirum æstiosum cum sit tale Opobalsamum, seruidum, & acerrimum ob non adhuc adeptam beneficio solis. & soli maturationem, pro inunctionibus tantum, nullo autem modo per os exhibitum adhiberi debeat; sciat velim, nobilissimum Busbequium comparatiuè loqui, & ex relatione Hally Bassa, vel suum munus extollere conabatur, vt iam respondi, non quod nigrum velit reuera esse; cum nigrum minimè reperiatur Opobalsamum vllum, Alpino auctore Dialogo de Balsamo cap. 4. Illud vero quod subiungit nō solum falsum esse demonstratur ex Doctissimi Velsingij litteris, quarum copia datur, sed Mesues præsertim, & suorum Interpretum non reprobandi testimonio. Mesue enim sub eodem capite de oleo Balsami per emanationem, & per decoctionem factō pertractat, & vtrumque βαλσαμικόν appellat, rursq; interpres, & Commentator Christophorus de Honestis post enarratas virtutes primi quod per emanationem in partibus Orientalibus colligi, cum suo auctore scribit, de secundo loquens, ait, *et tale in magna quantitate ibi præparatur, sed non est tantæ virtutis quanta est primum.* Et Iacobus Sylulus alter Commentator de hoc eodem, suæc verba faciens: *Vires scribit, huius olei ab omnibus tam laudati à Mesue taceri mirū est.* Ergo cū in viribus cōueniant si nō in gradu, cū hoc per decoctionē non sit tantæ virtutis, quantæ illud per emanationē, illudq; per emanationē, vt ait idē Christophorus, *sit cōplexione calida cū virtute ali-*

*aliquaſiter humiliatiua, & ſubtiliatiuum, & lenitiuum duritierum, & maxime conferat ad ſubtiliandum, & remouendum veſtigia turpia, & circa rices, qua remanent poſt consolidata vlcera. ſit etiam penetratiuum valde ad partes profundas, & conferat omni mala complexioni frigida, & doloribus neruorum, & iuncturarum, & permiſtum cum alijs medicinis portet virtutes illarum ad membra inſinſeca, & remota, vnde permiſcetur, & ſumme confert cum medicinis vrinam prouocantibus aſſumptum per os, vel inunctum ab extra in partibus renum, peſtinis, & colli, & veſſica. has quoque facultates in inferiori gradu poſſidebit, quod per decoctionem eſt factum Baſameleon vt cum Meſue loquar. Ac proinde ſeruſidum non erit, æſtuoſum, & acerrimum, ineptumque vt per os exhibeatur, velut Aduerſarius putat: quando nec illi deficit aliqua ſ maturitas in internis Arbuſti partibus acquiſita, & ſi deficeret acidum potius eſſet, & frigidum, ac crudum, vt omnes alij acerbiores ſucci maturatiorem non adepti, quàm immodicè calidum, & acre. Vt mittam Peruijanum quoque Opobalſamum, quod per decoctionem elicitur quantumvis Orientale calidius, adhuc tamen non reprobari per os exhibitum ad internos aliquos aſſedus, quinimo ad multos commendari, vt apud Nicol. Monandem, & alios videre eſt.*

An autem in quaſtione hac ſatis dubia probabile quoque exiſtimare, vt ego ſeci, quod noſtrum Opobalſamum poſſit eſſe per emanationem, & inciſionem collectum, ſit contra allatam à me Buſbequij aſſtimationem vt ex aduerſo obijcitur, illis decernendum relinquo, qui Buſbequium de Baſamo in Hortis Matarezenſibus elicit, & ſoli Turcarum Principi ob illius præſtantiam reſeruato, me vero de Arabico, & minoribus forſan prærogatiuis inſignito, loqui, ſciunt.

An verò, vt ille inculcat, ſophiſma ſit, quod de odore in mea ſcriptura ad euertendum oppugnantium argumentum, enunciavi, logicæ initiati propalant. hoc namq. meum eſt argumentum. Quæ ſunt adeo ſimilia inter ſe, vt difficile poſſint velut diſtincta ſecerni, vt in qualitatibus conueniant neceſſe eſt, ſed Opobalſamum ſyncerum, & adulteratum ſunt huiusmodi, ergo debent in qualitatibus conuenire, ſed Opobalſamum adulteratum hanc non habet qualitatem; vt ſit eximie ſuauiſſimæ ergo nec ſyncerum. Maior patet, nam aliàs non eſſent ſimilia. Minor eſt Galeni primò De Antidotis; ſubſumptum verò ex eo manet probatum, quod cum Opobalſamum adulteratum habeat in ſe galbanum, ceram, oleum de pino, & conſimilia malè olentia, aut ſaltem non bonum eſſentia odorem, vt oſenſum eſt ex Dioſcoride, & Plinio, & Auicenna, utique non poteſt habere eximiam ſuauiſſimam.

Quare cum argumen-  
tum

tum sit in forma, ubi nam est sophisma? Nec enim, quod subiungit de moscho adulterato hepate bubalo, quæ adulteratio vix cognoscitur vim argumenti eludit, & suæ imposturæ, ac tergiversationi quicquam sapere, nam hepar bubalum odore caret, & ideo si auget moschi quantitatem, non mutat odoris qualitatē, quod sanè non contingeret si, vt in casu nostro, oboleret, & sic de castoreo, & myrrha ratiocinandum iuxta diuersam adulterationis, missionisq. materiam.

Sed accedamus iam ad quartum argumentum ex coagulatione lacis, quam nec statim, & vix perceptibilem præstat; & macula, quam in lanco panno relinquit, desumptum; Quod sanè argumentum, quantum ad primam attinet partem iam diximus aliquid coagulare, idest illas lacis partes, quas tangit, & eas imperfecto etiā modo, non autem vt coagulum ipsum (quod per anthonomasiam tale est, & dicitur) quemadmodum desiderarent aduersarij. Vnde sicut risu digna extitit cuiusdam Pharmacopœe rudis instantia, cum ausus est coram DD. meis exposcere, vt statim, & citius quàm à coagulo ipso, quod in tempore non momētaneo agit, lacis vnica quatuor, vel quinque à tantillo balsami coagularentur, sic non mirum si exigua talis liquoris quantitas non permittit in experimentis habitis, notatu dignam induci coagulationem. Quod verò ad maculam spectat iterum dico, quod cum loquamur de Balsamo Arabico, quod resinofum est, vt tale quoque erat Aegyptiacum, & Syriacum, cum Prospero Alpino, qui illud descripsit, sentiendum est, videlicet adhærere panno, & maculam ab eo illatam non statim, etiam, per lotionem euanescere, sed post aliquod tempus, secus ac contingit de oleo, & rebus alijs viscosis, quæ semper in panno remanentes inducunt maculas, easque sese continuò dilatantes, & augentes, & humiditatem quasi inexpugnabilē cōseruantes, quod profecto in nostro Opobalsamo non aduertitur, cum ex eo relicta macula, si quæ remanent, aride percipiuntur, & sicca paulatimq. deficient. Nec solus Alpinus hoc tradit responsum; sed etiam Quatramius putans quasi impossibile, vt à resinosa materia non inferatur macula, & illata, vt possit facili abluī, imò experientiam hanc & signum à macula desumptum expressè negat Antonius Pasinus Medicus Salonensis in suis Adnotationibus ad libros Dioscoridis Bergomi impressis anno 1592.

Vnde quod ad hoc infirmandum Alpini responsum, de Regibus Herbarum adducitur, eos videlicet Balsamo vngi consueuisse, & fusè ad maiorem magnificentiam irrorari, absque eo tamen, quod vsquam sui vestigijs qui quam relinqueret, nec verum est, nec verisimile quinimo impostura mera, & inexcusabilis error: quandoquidem loco ab aduersa-

rio citato 1. Reg. 10. de Balsamo nulla fit mentio, nec mirum, cum adhuc Regina Saba in Iudæam illud non attulerit; & verba Mendoza super talem locum, mutilata ad eludendos forsan Lectores, sunt adductæ: Volens namq. doctus iste vir aliqualem asserere rationem, cur inunctio illa ex lenticula, qua Reges perfundi, illic traditur, vestigia non relinquere, & immunditiæ periculum non afferret, ait *quia illud oleum fortasse fuit pretiosissimum, odoratissimum, & liquidissimum ad instar aquæ rosæ: ea, qua nemo cum perfunditur, inquinatur*. Quare nec de Balsamo loquitur, & particulam *fortasse* adhibet, ad denotandum, ignotum, adhuc esse, quid fuerit talis inunctio, quæ sanè particula non erat ad aduersario subticenda.

Abutitur deinde mea ingenuitate, qua fassus sum controuersum successi non adamussim possidere notas veri balsami ab Antiquis descriptas, & ait: *Recedant simul virtutes, & dotes cætera, atque adeo inutile excrementum remaneat*. Sed bona verba quæso. Recedant sanè, at cum proportionem, quid inde? ergo est vt excrementum abijciendum? Inficior. Vires enim sunt eiusdem speciei, si non æquè intensæ, & perfectæ: Ideoque dignum illud faciunt, vt Theriacæ fabricam ingrediatur, & ab ea quodecumque succedaneum vtpote diuersi generis, ac speciei, arceat, repellatque.

At quod subiungit in Alpinum concedentem primum, & secundum, quinquennium in Opobalsamo, id negando *ob spiritalem, & tenuem huius lacrymæ substantiam*, præterquam quod redarguitur à multorum Principum Mirotheciis, in quibus diu asseruatum, minimèq. euaniidum reperiri certo scimus, qua ratione dictum hoc sustineri potest sine Sacrorum Patrum læsione, apud quos in symbolum incorruptionis assumitur, vt penes S. Tho. 3. p. q. 72. art. 2. videre est? nimirum quia oleagineæ, ac resinose naturæ existens diu durat, & non euanescent de facili eius vires. Falsum quoque est, quod ex Cardano de Aqua Nili adiectum, quandoquidem cum flumen illud nec Arabiam, & Palestinam, vel Iudæam inundet, imò nec Matæænses hortos tametsi propè ipsum sitos, Balsamum nec etià poterit, aut potuit irrigare, nisi forsan quod alibi propè Babyloniam Aegypti adfuisse olim ex Petro Damiano, & Baronio deduximus. Geographiæ ergo studeat, & ex enarratis percipiat, quanti Rondeletij auctoritas de annua balsami ætate, *ultra quam inutile esse putat*, æstimanda sit.

Cæterum cum versus finem ex quantitate argumentatur, responsionem haurire debuerat ex ijs, quæ tum in prima mea scriptura à se visa, tum potissimum in secunda contra alterum Aromatariorum fautorem in hoc eodem

eodem argumento versantem obieci. Cum verò Anastasium Bibliothecarium à D. Bonanno adductum, & in Vita S. Siluestri affertentem Ecclesiam Sancti Petri ex fundis sibi in Aegypto à Constantino donatis redditū habuisse libras CCXXV. Balsami; Ecclesiā autē S. Pauli libras L. euicare conatur, hoc ideo affirmans accidisse, quia tunc Balsama erant in India, & Romani Imperatores potiti rebus omnibus, ac totius orbis Dñi ex omni regione totū balsamum, quod colligebatur Romam ut proprium, aduehi curabant, non solum gratis loquitur, & sine fundamento vilo, sed à Græcis refellitur, & redarguitur, cum illi iuxta eorum Rituale debeant quolibet anno vti multis libris Xilobalsami, Carpobalsami, & Opobalsami pro sacro Chrismate conficiendo. Nam vt à litteratissimo viro Leone Allatio accepi. In Euchologio Græcorum in capite vbi consecratio Chrismatis continetur, in enumeratione rerum odoratarum quas Græci in consecratione dicti Chrismatis vsurpant, inter alia continentur, & hæc. *Ξιλοβάλσαμον λίτρας γ καριβάλσαμον λίτρας β. βαλσαμολαί συνδίδουσι δίσπλα.* Xilobalsami libras 3. Carpobalsami libras 2. Balsamalai quantum haberi potest. Obseruant autem ritum hunc vt idem affirmavit Alatius Græci Constantinopolitanus, Antiochenus, Alexandrinus, Hierosolymitanus. Iacobitæ, Marontæ, Armeni. Non ergo Romam tantummodo aduehebatur, nec vt totum huc adueheretur æquum erat, cum alibi etiam deberet ad diuersos vsus adhiberi, & pro medicamentis potissimū ab hominibus in vsum reuocari; vt & nūc ab iisdē Græcis adhibetur.

An autem suspēda adhuc sit ab Alpino fides in materia hac de Balsamo, vt cum Siluatico (qui tamen Alpino coætaneus de illo cum honoris præfatione loquitur) subiungit, dicant alij. Hoc vnum interim sciat Carolum Clusium Michaelē Doringium, Nicolaum Guibertum, Io. Ponam, Euang. Quatramium, aliosq. viros præstantissimos, & quem super omnes, adhuc viuētem magnificatio Io. Vellingium Anatomicum, & Botanicum in Patauino Gymnasio, ei fidem adhibuisse, eiusq. dicta approbasse, & quod ad Vellingium attinet, nouis additamentis illustrasse.

Illud demum, quod in fine suæ scripturæ ignotus iste doctor adiungit, *Archiatros nimirum talem approbasse succum pro Theriaca conficienda, velut balsmaticum quid, & vicaria præditum virtute*, principalem videtur tangere difficultatem, quæ est de Theriaca abijcienda, vt instant Aromatarij, vel conseruanda vt æquum est. Quia si approbatus succus est verum Opobalsamum, Theriaca erit melior, si verò adulteratum, & mistum, cum talis adulteratio, & mistio non possit esse, nisi vel ex terebintho, aut oleo abietino, aut Iuniperino, ipsismet Aromatarijs, qui no-

dum in scirpo quassuerunt, consentibus, istaq. medicamenta ab aucto-  
 ribus spectata fidei Matthiolo, Marco Oddo, Petro Pena, alijsq. permul-  
 tis à substitutionis munere in Theriaca componenda, non arceantur, ac  
 vituperentur, profecto conservari debent, non proijci Theriaca cum ta-  
 li succo confecta; eoq. vel magis, quod non solum alijs Theriacis fortas-  
 se præstant ob maiorem fragrantiam illis communicatam ab Opobalsa-  
 mo, cuius proprium est, doctissimo Gentile auctore, vt aliorum medica-  
 mentorum ingratos refrangat odores, & antidotis gratiam quandam  
 conciliet, sed quia Manfredus, & Panutius, qui illas cum tali liquore  
 composuerunt. id auctore Prætorie præstunt; & ad Opobalsamum inue-  
 niendum, habendumq. non dolo, sed zelo amplianda suæ artis moti fue-  
 runt necnon hortationibus tum Prosperi Alpini, tum potissimum Fr. Euan-  
 gelistæ Quatrami, olim Serenissimi Alphonfi II. Ducis Ferrariæ Simplici-  
 stæ, qui in Proëmio sui Tractatus de Ther. & Mithrid. Italica lingua  
 conscripto omnes Medicos, & Pharmacopolas, præcipuè verò Protho-  
 medicum, & Medicos inelyti Collegij Romani, & Romanos Aromata-  
 rios, imò Principes ipsos, & Summum Pont. Clementem VIII. orat &  
 hortatur, vt omni sedulitate, ac diligentia incumbant ad perquirendum  
 exotica medicamenta, & balsamum in primis non difficili negotio ad  
 nos aduehendum, habendumque dummodo serio exquiratur. Vnde  
 si quem fortasse visum sunt commississe errorem in tali Opobalsamo expo-  
 nendo, adhibendoq. Pharmacopai prædicti excusandi omnino veniunt, &  
 si lubet commendandi ob perutile opus si non bono omine bono saltem  
 nomine inceptum.

Quare sicut non dubito, quominus Præstantissimi Domini mei, visis  
 tum his, tum quæ à Collegis meis, & à me alias sunt allata, declaraturi  
 sint controuersum Opobalsamum tamen si forsitan non perfectum vt pote  
 vel per decoctionem, vel si per incisionem ex minus tamè cultis quæ antiqui-  
 tus fuerint arbutis, elicitum, verum nihilominus esse, & p. theriacis conficiē-  
 dis non ineptum, sic spero, quod velut sub hoc Gloriosissimo VRBANI  
 VIII. Pont. ter Maximi, Pontificatu, ac eius Religiosissimi, ac Genero-  
 sissimi Nepotis Card. FRANCISCI BARBERINI aqua sub rerum  
 moderatione, vidimus in hoc Mundi Theatro res à saculis non visas Ele-  
 phantum, Alcem, Gazellas, Chamaleontem, Salamandram, Zibeticum  
 Catum, flores odoratissimos, fructusq. tum suauitate, cum varietate admi-  
 rabiles, aliaq. non pauca summè rara, & ob nouitate gratissima, ita vi-  
 furos non modo tam celebrati Balsami lacrymam, hæc nostra de qua  
 est ambiguitas, præstantiorem, melioremq. sed fruticem quæ oque ipsum,  
 virentemq. Plantam in hoc felicissimo Cælo longiore sanè tempore, ac

maiore cum Barberinorum Principum gloria, duraturam, quam olim fecerit, cum deuicto Mithridate in Pompei Triumpho, & mox sub Vespasianorum Dominatu, cum talium Imperatorum laude eam admirata Roma est ac intuita.

Audiant interim DD. nci epistolam Clariss. Vellingij paulò ante citatam, & promissam.

CLARISSIMO VIRO  
DOMINO BALDO BALDO

IOANNES VESLINGIUS S. P.



*Ratias, fateor, singulares Præstantissimo Naudeo debeo, quod viam ad amicitiam tuam sternere mihi voluerit, atque aperire princeps. Vellem tamen, auspicio eandem meliore potius munisset; quam per impolitum illud, Murumq. corculis parum dignam Opusculum. De Balsamo commotam à Pharmacopolis litem, facile forsan componerem, si tam in potestate mea foret affectus eorum corrigere, quam asserere veritatem. Nam quod celebre hoc medicamentum in Orientali Provincia reperiri inscias eunt, inscitia ipsorum condonandum fuerit. Mihi ultra quinquennium Memphe Aegyptiorum olim degenti singulis annis id conspectum fuit, redeuntibus à Mecca, & Medina indigenis: constanti omnium sermone, non alibi, sed dictis in locis paratum esse. atque emptum quod secum attulerant. Quibus vel eo libentius fidem adhibui, quum & frondes secum, & fructus Balsami deferrent, non externo minus habitu, quam viribus descriptioni Clarissimorum veterum conuenientia. Non eiusdem equidem conditionis erat, quod communi Balsami nomine venditabant; nam ad Aegypti Proregem, militumue Præfectum, quod mittebatur, tenacius obseruari, odore suauius, colore ex citrino albicans, quantitate exiguum. Reliquum ut copiosius, ita pretio parabilius, id est cum assimatione, tum bonitate, rursus diuersum. Nam vel purius erat, atque ex planta ramis, fructibusq. ignis opera elicitum, priore tamen & systasi, & odoris fragrantia, & virium pariter incolumitate cognatum, quo in dyspnæa, pulmonumq. putredine, tum dysuria, & vniuersis optimo successu usus sum. Vel terebinthina, similibusq. resinosiss*

*sinofis plus aut minus permiffum , cuius maior longè promentus . Nec mirum id mihi vifum , cum Theophrasti quoque duo in ααδδ : τοααδδ : κατ' ἀναμίαν . in Gracia fapius permiffum deprehenderetur . Quod vefttris Opobalfami nomine Venetijs tranfmiffum eſt , ſiquidem Cagrum , aut Alexandriam ex Arabia delatum ferid conſet , non temere Pharmacopo- lis reiiciendum fuerit . Nam colorem , quèd in eo flauum requirunt , paucis momenti eſt , cùm niſi propinquum ſenectuti balfamum eo non imbuatur . Odor vtique ſi promiffum iſtis ſuauitatem baud aſpiret , ſciant vel in optimo percipere Veteres , ut ſit , ἰσχυρὸν τὸ ὀσμῶνς οὐκ ἄγαστον , ἢ ἴσως , qua voce non iuctuditem minus odoris , quàm vigorem expri- munt . Redolet vero terebinthinam etiam pretioſiſſimum Balfamum , quemadmodum , & cortex planta interior , & fructus ; quamuis in illo gravior balitus percipiatur . Lac non niſi debilitèr coagulāt ; imò ne hoc quidem præſtiterit , niſi recens , niſi ſpiritu etiam num acidulo prægnans fuerit . Laneis quoque pennis , nec profundius infidentem , nec diſſudentem ſeſe maculam imprimit . Hoc enim ut olei proprium eſt , ita ſincero Balfamo non competere antiquitus rectè conſtitutum fuit . Atque ut paucis concludam , Balfamum ex Arabia felici in Aegyptum delatum , atque hinc Venetias , ſi nondum vetuate obſortum , colore pallido , citrino , aureo , odore non inſuaue , facilè ſolubile , linguam elementer mor- dicans , quantumvis optimi illius notas ad ungum omnes baud ſeruēt ; in theriaca tamen compoſitionem dotius admittendum cenſeo , quàm eli- ſum muſcata nuci , aut caryophyllis oleum , temperamenti calore longius exorbitans . Tantum eſt , Vir Clariffime , quod per varias occupationes , gratiſſimis literis tuis reddere licet . tu Vale feliciter , & cum Naudæo noſtro plurimùm ſalue . Patavij xxix. Octob. A.S. M.DC.XXXIX.*

**Exhibita DD. Deputatis die 8. Nouembriſ.**

RO-



## ROMANA OPOBALSAMI.

*Propugnatio Quarta.*

**M**emoriale, quod tibi, Illustrissime Collicola, exhibitum est pro Collegio Aromatario aduersus Manfredum & Panutium, quemadmodum ob discrepantes veterum auctorum Balsami, eiusq. succi descriptiones, vni Alpino standum esse, rectè constituit, sic deducendo ex eius doctrina, quòd controuersum Opobalsamum falsum sit, non sufficienter concludit. Arridet sanè quod ille Io. Grauius Britannus, qui nuper, vt refertur, ex Aegypto, & Cayro, vnde Principum virorum iussu, verum Opobalsamum in Angliam asportare debuerat, Romam venit, verissimam ibi cognouerit Alpini doctrinam de Balsamo ex omnibus veri succi peritissimis, & praesertim ex docto Medico Veneto, qui Cayri medicinam facit, sed quod ille ne guttam quidem veri Opobalsami inuenisse nedum inde se asportare potuisse affirmet, fucati vero ac ementiti copiam reperisse non exiguam, quam tamen emendam vetuit Medicus Venetus rei peritissimus, non ita accipiendum vellem, vt hinc nostri Opobalsami redarguatur synceritas. Illuc enim ex Arabia transportari etiam in magna copia, non ex Alpino tantum, sed ex Vessingio, iam ostendimus. Quod si Io. Grauius praedictus non inuenit verum, emendum Opobalsamum, id fortasse accidit, vel quia tempore reditus Carauanz è Mecca, & Medina, Cayri ille non aderat, vel quia vt ex aduerso eum affirmare scribitur, in pauca quantitate, & ea Bassæ, & Principibus viris referuata, aduectum anno illo, Opobalsamum est. An autem alijs annis tam exigua semper afferatur portio, non dicit. Scirent tamen libenter ab eo, quid nani ipsum impediuit, vt cum de Regis sui, ac Britannorum Principum voluntate adimplenda ageretur, & apud gentes penes quas aurum cuncta potest, non illam saltem coemerit veri Balsami portionem, quam in Bassæ Aegypti, & Principum virorum idest nobilium, & militum Ducum manus deuenisse, ait? Sed his missis.

Discutiamus argumentum ex Alpini hinc inde recepta doctrina, elicium, quod in hoc consistit, vt cum balsamum nostrum nec sit primæ, nec secundæ, nec tertiz ætatis, vtpote signis alicuius ex illis, vltra quas

Alia non datur, orbatum, profectò nec balsamum erit. At responsio est argumentum non includere exactam partium enumerationem, ideoque non concludere. Vt enim in prima mea propugnatione firmaui controuersus succus est inter primam, & secundam ætatem, & de vtraque participans medium obtinet statum, qui nec imperceptibilis est, & momentaneus, sed diu durans, & latitudine præditus. Quare non mirum si non est vt in medio primæ ætatis, & illius initio acutissimi, validissimiq. odoris, ac substantiæ turbide, & crassæ, vt oleum statim ab oliuis expressum, quemadmodum vult Alpinus, nec vt in secunda ætate aureus fulgentissimus, tenuissimus, atque clarissimus, & odore eximio, sed conditiones vtriusque ætatis quasi possidens colorem habet inter viridem, & aureum fulgentissimum, substantiam inter crassam, & tenuissimam, & odorem nec acutissimum, nec eximium, sed ex acuto ad eximium, & suauem tendentem, vt prorsus illud habere debet Opobalsamum, quod in transitu ex prima ad secundam ætatem reponitur, & qualitatum mutationem per alterationis motum qui successius est, adipiscitur.

Ne autem id gratis dictum videretur, ex eodem Alpino liceat colligere, qui cap. 3. Dialogi de Balsamo ait, succum hunc in primis crassum, & turbidum cerni, & postea longo temporis interuallo depurari, & tenuissimum euadere, atque clarissimum. Ergo, infero ego, in illo longo temporis interuallo, in quo fit transitus à crassitie ad tenuitatem erit substantiæ mediocris. Ait præterea eodem capite 3. & cap. 4. ex viridi colore in aureum splendidissimum eodem temporis interuallo transire. Ergo tunc temporis habebit colorem mistum hoc est colorem aureum obscurum vt hoc nostrum. De odore etiam consimiliter loquens ait. Odor in recentissimo validissimus est, in medio tempore odor fit suauior thuris, & terebinthum redolens cum suauioris tamen odoris fragrantia. Ergo inter primam, & secundam ætatem id est in eo tempore quo comprehenditur vltima pars primæ ætatis, & prima pars secundæ ætatis, & in quo, ex acutie, & validitate odor ad suauitatem tendit maiorem, nec acutus valde erit nec valde suavis; maximè cum talis suauitas, & fragrantia debeat esse paulò maior, quam ea, quæ in thure, & terebintho animaduertitur, non hoc sibi volunt illa verba, cum suauiori tamen odoris fragrantia. Unde cum thuris, & terebinthi simul vnitorum exigua ea, ac parua sit, magna profectò, ac excellens non poterit esse in Opobalsamo.

Dum verò succum nostrum redolere ait Iuniperum non thuris, ad sensum, & experimentum vocat, quod sanè experimentum igne præstandum est vt thuris suauitas sentiatur, Iuniperi grauis odor detegatur. Quinimò ad hoc periculum igni ito lecto faciendum, quod ad hanc diem commissum, est.

est, si accedamus, aliud in nostro Opobalsamo aduertetur sinceritatis inditum: *ferro namq. candenti instillatum, non diffunditur more verū vinctuosarum, cum ipsi admota fuerint, sed in globum coegetur instar vnius margarite*, qui est non postremus veri balsami caracterisimus ex Nicolao Guiberto Lotharingo lib. de Balsamo cap. 3.

Habet ergo noster liquor notas omnes veri Opobalsami, nec una, quæ, fateor, ad ipsum destruendum sufficeret, destituitur: quod si habere videtur ex illis obscuras aliquas, imperfectionis, non falsitatis est argumentum.

Quod autem à Vestrio fectus liquor aliquas præferat, cum & Galeni tempore non deessent adulterationes consimiles quid inde cum omnes non possideat? Caret namq. aureo colore, nam album est, loco suauitatis, & austeri odoris, teterrimum obolet virus: in aquam iniectum, licet spargatur, colorem non mutat, & forsitan non in eadem quantitate extrahitur: maculas sese diffundentes lanco panno conciliat: lac si coagulat ratione admixti coaguli id præstat, & si super ferrum ignitum instillabitur, dissipabitur, nec coegetur in globum, vt noster. Indignus ergo, vt huic comparetur, & falsus ac fucatus cum sit, vt falsitatis, ac fuci nostrum coarguat.

Sed quid pro amico Pharmacopæo Gallo, cuius iudicium de vetustate nostri Opobalsami relatum à me in responsione prima non improbatum extitit, & nunc ex aduerso cū Alpino conuellitur? Non de ultimo senio loquutum fuisse responderem, sed de primo tertix ætatis statu, in quo nec turbidum adhuc apparet, nec ita segne vt non valeat in aquam proiectum liquari, & ad superficiem deferri, id quod tunc solum ab Alpino ei denegari verisimile est, cum in ultimo talis ætatis termino constitutum æreis, volatilibusq. deperditis particulis, terebinthi na&u est crassum, ac spissitudinem. Nec ridenda responsio hæc, quando cum nostro Gallo consimiliter sentire audio integerrimum virum Armenum Ioan. Molinam vocatum, rei huius peritissimum, qui nostrum contemplatus liquorem, & de illo super volam manus nouo apud nos, sed vsitatu apud Arabes Mercatores experimento certior factus, pronunciauit esse verum Opobalsamum, sed nouem circiter, aut decem annorum.

Verum quod maximè gratum fateor, & gratiam exigit à Manfredi, & Panutio, & nobis omnibus illud est, quod sincerus æquè, ac doctus vir de sinceritate prædicti balsami dubitanter scribens, in ea demum verba à propria sinceritate ductus sit, vt asserat *controuersum liquorem in aquam, vel lac instillatum descendere, ascendere, dissolui, colore simillimo veri Opobalsami, & odore baud absimili præditum esse. Quæ cum*

## 30 OPOBALSAMI ORIENT.

fatetur, quis non videt fateri, quod simulat se negare? Hæc enim sunt præcipua veri balsami inditia, quibus præsentibus, & alijs non absentibus, vt non abesse aliàs est dictum, dubitandi amplius non video qui superfit locus.

Quod si tamen aliquis superfit, atque remaneat, is amoveri poterit nisi fallor, iuxta Galeni monitum primo de Antidotis ex comparatione nostri controuersi liquoris cum vero Opobalsamo, quod nuper vnâ cum vero Xilobalsamo, & Carpobalsamo, necnon Theriaca, & Mithridato cum illis compositis, ad me misit Præstantissimus vir Ioannes Nardius Serenissimi Magni Ducis Etruriz Medicus, scribens se illud obtinuissè à sua Celsitudine Serenissima, & esse ex eodè quo olim M.D. Franciscus à Turcarum Rege (Alpino quoque referente) donatus fuit, & quod inter raras & pretiosas res adhuc à Serenissimo illo Principe asseruatur. Illud ergo tradam Illustrissimæ Dominationi tuæ, vt eo prout libuerit vti valeas.

*Exhibita Illustrissima Collicola die 4. Decembris 1639.*

## ROMANA OPOBALSAMI, SEV THERIACAE.

### *Propugnatio Quinta.*



Præstantissimi DD. Quoniam Doctor ille, qui sub nomine Euonymi cōtra Opobalsamum scripsit, visâ meâ responsione, conqueritur de me, quòd illa apposerim verba *melius diceret Anonymum*, & nonnulla quoque in medium affert, quibus suas positiones denuo tutari conatur; idcirco noua propugnatione eum confutare, non ab re duxi. Et vt à querela exordiar, immeritò sanè illam proponit, quando non mihi in animo fuit eum tali nominis mutatione deridere, sed æquiuocationem potius inconsideratè, vt putabam, illapsum indicare, eiq. corrigendam proponere: cum enim scirem vocem hanc græcam Euonymos, latinè sinister, vel apud Plinium vnâ ex Vulcanijs & Aeolijs insulis Lustega, seu Vstica dictam significare, vel apud Theophrastum herbam quandam infelicem, seditam & virulentâ,

&

& quæ ut addit Plinius lib. 13. c. 22. *statim pestem denunciat*, indigni putavi, ut hoc parum decoro nomine vellet quis data opera se oboculare, ac insignire: è contra autem cum optimè tenerem Doctos non paucos sua monumenta Anonymi subscriptione quandoq. obfignasse, idcirco verba illa *melius diceret Anonymum* apposui.

Verù ut ad reliqua accedamus, cum ille post multa ob eorum lenitatem, vel levis cōsolationis non indiga in eundem recidit error, è, ut non obstantibus tot clarissimorum auctorum testimonijs à me adductis, insciatur post excidium Hierosolymæ in Iudæa, ac post Sultanorum Aegypti extinctionem apud Memphim Balsamum extitisse, iterumq. in medium adducat Patres Franciscanos tanquam asserentes ne vestigia quidem Balsami in Valle Hierico reperiiti, utique excusatione dignum non est, cum inter allatos auctores multi extent, qui testes de visu eius redarguunt pertinacem inscitiam. Ut tamen res illi, alijsque si qui sunt eiconsimiles, clarior tadem appareat, quod ad Balsami defectum post Hierosolymæ desolationem attinet, dilucidè admodum suam evertunt opinionem præter Anastasium Bibliothec. Petr. Damianum, Baronium & alios iam citatos propugnatione 2. & 3. ii, quos negare non potest, Plinius & Galenus ex nostris, Solinus & Tacitus ex Historicis. Plinius namque, ex quo malè intellecto, deducit Balsami extinctionem, non defecisse talem arborem ostendit, cum ait. *Serit nunc eam Fiscus*, & paulo post in eodem cap. 25. lib. 12. de eadē planta pro qua dimicarunt Romani contra Iudæos scribens, subiungit. *Nunc etiam singularum Arborum, largior vena.* Galenus autem, qui ut habetur lib. 1. de Antidotis nauigavit in Iudæam, tales quoque Plantas, & eas multas inibi, & in Syria, ac Palæstina adinuenit. Solinus etiam dum post prædictum Hierosolymæ excidium scribit, idem confirmat cap. 48. Polyhistoris his verbis. *In Iudæa tantum balsamum nascitur, quæ sylva intra terminos 20. iugerum usque ad victoriam nostram claudebatur. At cum Iudæa potiti sumus ita loci illi propagati sunt, ut iam nobis latissimi colles sudent balsama.* Similes vitibus stirpes habent, malleolis digeruntur, rastris nitefcunt, aquis gaudent, amant amputari, tenacibus folijs sempiternò adumbrantur. Sic Cornel. Tacitus lib. 5. Hist. consimiliter loquens. ait. *Exuberant in Iudæa fruges nostrum ad morem; præterque eas balsamum, & palma. Palmetis proceritas, & decor, balsamum modica arbor.* Quare cum omnes isti auctores scripserint post tale excidium sequutum sub Vespasiano Tito, Plinius nempe sub eodem Tito cui libros Nat. Hist. inscribit, Solinus sub Traiano, Tacitus sub Adriano, & Galenus sub Antonino, & Commodò, immo & sub Seuero, (sub Vero legeret verus ami-

cus, Eruditissimus Seruius Inst. Med. lib. 1. vt videre est in Cronologia Siffrini, & alibi, & de Gal. 1. de Antid. eorūq. tēpore tales extarent Balsami plantæ, nō defecisse eas sub Tito, vel sub aliquo alio Imperatore ante Cōmōdū, & Seuerū perspicuum est; ideoq. notū, quā falsō pronūtiauerit Euonymus de Balsamo post Hierosolymæ excidiū nō fieri in Historiis mētionē.

Quod verò post Sultanos deletos in Matarez hortis propè Memphim sitis remanserint Balsami plantæ olim ibi visæ anno 1321. à Mariano Sannuto Veneto, vt habet lib. 3. Secret. fidel. Crucis parte 14. Annō, verò 1483. à Bredenbachio vt scribit in suo Hodoeporico Ierosolymitano, & anno 1501. & 1502. à Petro Martyre, vt legitur lib. 3. suæ Legationis Babylonicz, & refertur à Io. Eusebio Nierembergio De Miraculosis Naturis in Europa c. 79. minimèq. vt Euonymus ait extinctę sint, clarum adeo est, atque apertum, vt sine temeritatis nota non possit contra tot Principes, Oratores, Doctores, nobiles peregrinos, & mercatores, qui eas ibi viderunt, contrarium affirmari. Liceat tamen cum denuo conuincere ex Matthiolo à se pro se adducto qui sic ait lib. 5. epist. pag. 551. *Memphi tamen vt audio balsamum in quodam tantum viridario alitur, sed liquoris non valde ferax, nec etiam plurima ibi planta aluntur.*

Scriptis autem Matthiolus multò post Sultanos deletos, & longè adhuc magis Marcus Ojdo, cum lib. de Ther. & Mithr. serm. 2. cap. 2. idem confirmans, ait. *Qui ex Italia in Aegyptum nauigarunt, in Vrbe magna quam Cayrum vocant, Balsami extare viridarium, idq. Imperatori Turcarum soli custodiri prædicant.* Ex quibus, vt patet Euonymum ad pauca respicientem, nimis faciliè contrarium pronunciaffe, sic admiratione dignum existit, quod Balsami plantæ, quæ olim in ea regione tam densa, fertilib, sobole vigeabant, vt earum succus vel cadis effunderetur in solemnioribus nuptijs, & pro lampadibus sacras aras conseruandis rutilantibus vsurparetur; subsequētibz postea temporibus exaruerint, penitusq. quasi defecerint. Quod verò talis balsami quantitas tanta esset vt prædictis etiam vñbus destinaretur. hæc de primo vsu demonstrant Claudiani carmina.

*Gemmati alij per totum balsama sectum*

*Effudere cadis, duro, qua saucius vngue*

*Nilacus pingui desudat vulnere cortex.*

de secundo verò præter Anastasium Bibliothec. alibi citatum, Petri Damiani auctoritas supra quidem à me indicata, non tamen descripta, hic autem velut memoria dignis expressa verbis, & cuilibet nō obuijs, omnino exscribenda, ostendit.



1. Ait ergo in epistola ad Cadaulum Pseu-topapam electū; magnus iste vir magno referente, & approbante Baronio Annal. tom. 11. ann. 1061. sic. *In Babylonia partibus possessionem Apostolica Sedes habebat, unde tantum Balsami redditum per annos singulos capiebat, quod indeficiente fomite sufficeret lampadi, quæ videlicet ante altare Beati Apostolorum Principis rutilabat appensa; quam possessionem accepta pecunia Papa distraxit; canonemq. aromatis, quem accipere solebat amisit. Aliquanto post cum idem Papa prædicto sacrosancto altari, quasi deuotus assisteret, et oraret; ecce quidam terribilis, & grandæuus senex, in cuius etiam facie barbirasium videbatur, elato brachio, colaphum ipsi vebementer incussit, & ait. Tu extinxisti lucernam meam ante me, & ego extinguam lacernam tuam ante Dominum, moxq. disparuit. ille verò protinus corruit, & paulo post diem clausit extremum.* fuit vero, ut id adiungam ex Iacobo de Vitriaco Episcopo primum Acconensi, deinde Cardinali Tusculano in Hist. Hierosolymitana cap. 85. *Balsamum in hunc locum translatus, scilicet ut ille inquit, in Campum Ciuitatis Aegyptiæ, quæ Babylonia nuncupatur, ab Aegyptijs ex vinea Balsami, quæ in terra Sancta in loco, qui dicitur Hierico solum inueniebatur.*

Addamus his, si placet, non ignobilis medici recentiorisque certū de hac re argumentum, & nobilis cuiusdam peregrini. aliam adhuc recentem narrationem. Medicus est Horatius Guarquantus Venetus, qui lib. Respōf. Var. ad varias ægitud. edito Venetijs 1613. volens probare, quod omni æuo Balsamum in felici Arabia repertum sit, non solum ait. quod inde vna simul cum mercibus alijs sæpè ramuli transportantur, & fructus, sed quod ipsi ramuli, & fructus conueniunt cum illis, quæ in Metereo coluntur. Ex quo non modo colligitur eum pro certo habere in Matarez hortis reperiri Balsamum, sed insuper non benè opinatos fuisse Reu. illos Fratres Commentatores Mesue, quando Dist. 3. affirmarunt tantam Venetijs, ex putaminibus, & ramusculis Xilobalsami copiam haberi, quod quasi fornaces possunt incendi, negarunt tamen esse vera, hoc scilicet non vti Guarquanti argumento, sed leuius quibusdā coniecturis, nec ad id attendentes, quod Gal. scribit 1. de Antid. c. 2. nepe *Balsami ligni, & semen fraudè non admittere.* Peregrinus verò est Christophorus Furerus ab Haimendorf Eq. Auratus, Duū Vir R.P. Norimbergensis, Primarius, & in Reb. Bellicis Consil. supremus, qui in suo Itinerario Aegypti, Arabiæ, Palæstinæ, Syriæ, aliarumque Regionum Orient. edit. Norimbergæ. A. S. 1621. dum describens peregrinationem Aegypti, postquam loquutus est de Cayro Noua, sic ait de fonte Matarez, & Balsamo. *Hic fontem nobis monstrarunt*

*profundam, è quo bina iuga Bonum aquam rotis hauriunt irrigandis quos ibi pluri nos habent, quos inter, ille excellit, qui Balsama profert. Et paulo inferius, Verum Hortus, quem dixi Balsamorum exigui admodum Splendoris est, raraq. in eo arbores, utpote cui colendo parum cura imponunt. Afferebantur tunc temporis Balsama aliquot ex Vrbe Mecha, quæ inferebant.*

At de Valle Hierico quod Euonymus subiungit, tametsi nona non egeret consutatione utpote iam explosum clarissimorum hominum autoritate, quia tamen ille in medium iterum adducit Patres Franciscanos tamquam affirmantes *ne vestigia quidem balsami in tali Valle reperiri*, & illis solis, alijs posthabitis fidem habet; idcirco quia solis credit Patribus Franciscanis, hunc quæso audiat Patrem ex tali ordine Fr. Augustinum Stephanium Ragulinum postea Episcopum Stagni, qui libro De Perenni Cultu Terræ Sanctæ, & de Fructuosa eius Peregrinatione, quam inscribit Greg. XIII. P. M. sic ait. *Hierico est planities magna, conclusa montibus ab Oriente Arabia, ab Occidente Iudæa, & à Meridie mari Asphaltico vel Loth, à Septentrione mari Galilæa hoc est Tiberiadis. ipsa enim planities Hierico est valde pulchra, & si culta esset ad producendum apta omnia genera fructuum in ea, ut à peritis in arte medica accepi, præcipue ab Andrea Vesalio, qui ipsam unâ mecum peregrinatus est, ab alijsq. quampluribus classis huius itidem intellexi. reperiuntur in ea omnia genera mirabolanorû, & lignû pretiosum, quod appellant Spalato, poma aurea; arbores Balsami innumera in ea sunt. Arabes enim colligunt grana quedam in arboribus illic nata, & ex illis oleum exprimit ad dolores hypochondriacos vel colicos: sanâdos optimum, & ego expertus sum in me ipso, & in Reu. Fr. Io. Barbaro valorem huius olei.* Ex quo ut deduco non potuisse decipi hunc Reu. Patrem in materia hac, quippe qui socium habebat magnum Vesalium rei medicæ peritissimum, sic colligo adhuc fortan in tali Valle permanere plantas illas, de quarum defectu nulla assignatur causa. ab adductis tamen, & citatis Fratribus non cognosci, vel quia imperitis eæ sunt ignotæ, vel quia alijs fruticibus sunt obrutæ, vel scdm quia Patres isti, & peregrini alij non vndequeque magram illam planitiem longitudinis circiter triginta milliariis, & latitudinis quindecim perlustrant, aut ob Turcarum matum perlustrare possunt. Vnde patet quod non solum ibi conspexerunt Balsama Iacobus de Vitriaco Cardinalis Tusculanus nuncupatus, ut habetur in sua Hierosolymitana Historia, & Borcardus Argentoratensis Ord. Præd. aliq. ex omni classe viri præclarissimi à me citati, sed aliqui etiam ex Ordine Sancti Francisci; ac per consequens me non.

im-



innierito ob illatas rationes ei respondisse se vsum testibus inualidis. Id quod Iurisperitorum quoque doctrina ad controuersiam hanc ap-  
prime faciente, confirmare fas sit. Statutum namq. est apud eos, quod  
plus ponderis habet testimonium affirmantis, quam negantis; quinimo  
plus creditur duobus affirmantibus, quàm mille negantibus, vt ex Bar-  
tolo, Baldo, alijsq. plurimis Iurisconsultis ostendunt Paruacc. de Testi-  
bus q. 65. part. 3. reg. 19. num. 200. & 201. & Mascard. tom. 1. de Pro-  
bat. conclus. 70. Cum ergo testes affirmantes existentiam balsami, à me  
adducti non modo sint duo, sed quam plures, nonne exaduerso talem  
plantam negantes erūt eorum respectu inualidi, nulliusq. roboris? Vti-  
que: ratione hoc præter allegatas auctoritates, demonstrante. Certius  
enim aliquid nouit, qui quod agitur affirmando nouit, quam qui negan-  
do, neque negatiua ita se offert sensui, sicut affirmatiua.

Nec maiori fundamento in ea persistit opinione, quod Arabicū Opo-  
balsamum ita agreste sit, ac Iudaici; & Ægyptiaci balsami notis, ac cō-  
ditionibus destitutum, vt pro conficienda Theriaca nec bonum, nec vti-  
le existimari debeat; nam præterquam quod agreste non esse, atque in-  
cultum, velut ipse putat; iam ex Alpino, & Veslingio demonstratum est,  
insimulq. probatum, quod substantiam, colorem, odorem, & reliquas à  
Veteribus genuino Opobalsamo attributas condiciones possideat. (Vnde  
non miram si Diodorus Siculus in sua Bibliotheca lib. 2. de Arabia per-  
tractans, hæc habet verba. *Ibi in Conualle quādam Balsamum, quod vo-  
cant gignitur, unde luculentum ipsis vestigal accedit, propter quod nus-  
quam alibi in Orbe terrarum hac stirps inueniatur, quæ præclarum  
quoque ad Pharmaca Medicis vsum præstat.*) Sciat insuper, quod ta-  
metis aliquibus ex illis priuatum esset notis, & qualitatibus, adhuc ta-  
men pro pretiosa Theriaca Antidoto coagmentanda quocūq; post habi-  
ro succedaneo, eligi deberet, nam cum potissima ratio ob quā tam lau-  
dati fruticis rami, femina, atque succus magnis antidotis commiscetur,  
ea sit, quod alexiteriam habeant vim contra serpentum ictus, reliqua-  
que venena; talēq. vim in Arabico balsamo primum, ac principaliter re-  
cognitam habeamus, illud quoque primum, & principaliter videtur in  
Theriacam iniiciendum: Quod autem facultas oppugnandi viperarum,  
ac serpentum morsus, quam Dioscorides Balsamo à se descripto attri-  
buit, & cum eo alij auctores, in Arabico potissimum conspiciatur, ex  
iam alibi citato Pausania manifestissimè colligitur. dum lib. 2. de Boeo-  
ticis tradens collectionis Opobalsami modum sic ait: *Arabes collecturi  
pro temporis ratione succum balsami bina singuli lignorum flagella ad-  
viperas, quæ vescuntur balsamo, deferunt, quas lignis quassatis abigunt.*

Con-

Consecrare eas nolunt, quòd balsamis esse consecratas existiment. Si deinceps eueniat, ut à viperis quis mordeatur, vulnus tantum est, ut ferro videatur inflictum, sed à metu veneni liberi sunt. Quo enim vescuntur vipera vnguento maxime odorato, ita venenum temperatur, ut ex lethifero mitius fiat. Etenim ut idem habet lib. 9. Vipera in Arabia absque certo numero, siue plures, siue pauciores sub qualibet arbore stationem habent. Vescuntur succo balsami suauissimo. Ad hæc gaudent aliàs vmbra plantarum. Huic autem Pausaniæ doctrinæ ut nullus est, qui se opponat, sic omnes subscribunt, & præsertim Cxl. Rhodig. Antiq. lect. lib. 18. c. 35. vbi satis in longum tradit Balsamum in Arabia nasci, ibique viperas innoxias esse. Hinc propterea viri aliqui doctissimi commendarunt pro vicario veri balsami Iuniperi oleum hac præditum alexipharmaca virtute, & multo plures terebinthi lachrymam consimili pariter facultate donatâ inter quos vnû liceat adhuc viuente in præsentiarum adducere præstantissimû Licetû in Bononiensi Prytaneo primariû, ac eminentem Philosophiæ professorem, qui ad Illustrissimû, & verè *πολυμήτην* Equitem Cassianû à Puteo de hac nostra controuersia scribēs, non solû ait se dū Pisis degeret, & Philosophiâ in celebri illa Accademia proficeretur à nobili quodâ suo hospite Lusitano ex Aethiopia, vbi per aliquot annos moratus fuerat redeunte vasculû stamneum plenum balsami Arabici recepisse, illudque qualitatibus, & viribus, prout tradunt auctores, præditum inuenisse sed insuper addit sibi pro veri balsami substituto terebinthum arridere, tum quia ab Alpino in odore cum Opobalsamq. consentire scribitur, tum quia contra morsus virulentorum animalium ut illud, vtile est, ac proficiuû. Vnde nō mirum si ut scribit Alpinus, & confirmat solertissimus Sennerius lib. 4. De Febribus cap. 7. nostræ Theriacæ contra venena venenatasque materias segnes admodum conspiciantur & inualidæ, secus ac de pretiosa ista antidoto scribant Andromacus, & Galenus; quia nempe balsamo carent alexipharmaco præstantissimo, & succedaneum non habent huic consimile.

Neque Euonymus, vel quis pro eo Romanum obijciat nostrum Antidotarium, & ante illud Galenum ipsum asserentem pro Theriaca debere eligi Opobalsamum Iudaicum ab eodem primo de Antid. cap. 12. celebratû, vel ex Palæstina quod Sagadinû dicitur (idest ex vinctis Engaddi) c. 4. dicti libri pariter, laudatû; nequaquâ vero Arabicum, & Saboticum, quia ut mittâ id neq; à Galeno, neque ab Antidotario exprimi, nihilq. referre cuius sit loci, dūmodo in qualitatibus non sit, ut nō est diuersitas, & discrepantia, ad græcum Andromachi primi Theriacæ inuentoris testû eos demandabo, ut ab ipso discant Opobalsamum pro Theriaca conficienda

cienda non simpliciter ex Iudæa, vel Aegypto; sed *Zagabalus* *γζαβάλ*; ex ista  
 tina Assyria esse sumendum; sub Assyria autem Arabiam quoque conti-  
 neri, apud Strabonem lib. 16. de situ orbis ab initio, legere poterunt. Nec  
 mirum id cuiquam videri debet, cum à ratione potius alienum sit conat-  
 rium, nempe quod Aegyptiacum Opobalsamum, & Palæstinum, quod  
 ex Arabia traxit originem, & advena est in illis regionibus non patitur,  
 debeat præstantioribus ornamentis, & dotibus esse insignitum in alieno  
 solo, quam in proprio, & nativo, ut Arabia est, quando oppositum do-  
 cens Theophrastus lib. 4. de Hist. Plant. cap. 1. hæc habet verba. *Omnia*  
*verò suis locis meliora proveniunt, magisq. vigent.* Confirmat autem  
 veritatem hanc Io. Eusebius Nierembergius Soc. IESV, dum lib. 1. Cu-  
 riosè Philos. per multa capita Balsami perpetuitatem in Arabia à Mundi  
 creatione probat, eiusq. perfectionem ex eo ostendit, quod ibi sine vlla  
 cultura resinifera sit talis planta. Et hanc doctrinam in hoc opere His-  
 panica lingua conscripto, & Matrili edito. 1634. in magno alio oper-  
 e cui titulus est Historia Naturæ maximè Peregrinè edito Antuerpiæ 1635  
 idem confirmat, & ratam habet. Quare expugnata, ni fallor, iacet hæc  
 Eponymi impugnatio, & pro Eponymo adiuncta obiectio.

An autem prosperè magis, quæ contra Prosperum adducit Alpinum  
 ad illius doctrinam communiter receptam infringendam, eiusq. fidem  
 tametsi scriptorum omnium fide stabilitam ex hominum animis abro-  
 gandam, ab eo enunciatur, facile est dinari, audienda tamen quæ in  
 auctorem hunc comminiscitur. Fuit iam in prima scriptura ab Epony-  
 mo dictum, quod cum Alpinus aliter describat balsami plantam, ac deli-  
 neata respiciatur in ejus libris, suspectam propterea sibi videri talem do-  
 ctrinam, eumq. responsum à me fuerit diversitatem illam in delineato-  
 rem debere refundi, ille nunc tale responsum irridens, quasi non potue-  
 rit contingere, ut qui pinxit, adamussim representare non valuerit, quæ  
 ab Alpino fuerunt verbis expressa, & non semel apud alios Rei Medicæ  
 scriptores tale quid non inveniatur, penes quos insuper vna aliquando  
 figura pro demonstrandis pluribus herbis deservire animadvertitur, in  
 eadem persistit opinione; A qua, si fieri potest, ut remoueatur, cum me  
 adhuc non fuissecerint ad id præstandum, modestiores interpretationes,  
 sciat nunc me silentio inholuisse responsum aliud, quo ut veritas elucida-  
 tur, sic etiam in intelligendis Alpini verbis detegitur inscitia: Dum enim,  
 ait, balsami folia ab Alpino assimilari folijs rutæ, & in icone non rutæ, sed  
 iasmini frondes representari, ille non aduertit auctorem huc solummo-  
 do enunciare, quod balsami plâta folijs referta est rutæ aliquatenus pro-  
 ximis, non vndequeque, insimulq. non agnoscit, quod hæc similitudo ad-

tenditur magis forsan in colore, quam in figura, vt propterea secundum hanc *balsami folia lentisci* quoque *folijs amula* dicat cap. 14. de Plantis Aegyptijs. Vnde qui rutæ, ac lentisci frondes conspexerit, & iconem balsami contempletur, videbit non talem adesse varietatem, vt non *aliquatenus* sint proximæ, & consimiles, quemadmodum Alpinus describit, & Euonymus non intelligit.

Nec magis insuper valet ad suspectam reddendam auctoris. huius doctrinam, quod secundo loco adducit de balsami narratione facta ex ore Abdellæ medici Aegyptii, (non Hebræi vt ille oscitanter lexit, & scribit) qui in Dialogo de Balsamo loquitur, nam de re illa, qui certius poterat loqui & vt loquens introduci, quàm Cayrinus Medicus ob doctrinam præcellens, ob experimentum peritus, & in materia *plantarum exercitissimus*? quique viderat in Mataræ viridario Balsami plâta viuientes, & quotannis ex Arabia conspexit balsami ramos, fructus, & succum in Aegyptum deuehi, ac transportari?

At dum postremo loco in ea deuenit verba, vt dicat sibi suspectissimâ videri, atque imaginariam distinctionem illam coloris Opobalsami de quinquennio in quinquennium, quod de ea nullus ex antiquis auctoribus loquatur, non solum demonstrat se ignorare, quod *nihil est simul inuentum, & perfectum*, vt aiebat Cicero, sed quod magis refert, se non intellexisse veterum auctorum de hac materia sententias, in quibus prædictâ colorum mutationem indicatam habemus. Legat ergo Galenum lib. 4. de Comp. Med. sec. loc. cap. 5. (non tamen præcipitanter vt solet) & animaduertet, quod ille de Opobalsamo ad morbos oculorum adhibendo discurrens, considerat, *vel esse tenue, & pellucidû, vel crassum, quemadmodum solet in vasis circa fundum condensari, & spissari* quas sanè differentias iuxta varias ætates in Opobalsamo consurgere rationi consonum est. Adeat præterea Plinium à quo distinctè magis distinctionem hanc edocebitur. libro enim 12. cap. 25. cum hæc habet verba. *Succus è plaga manat, quem Opobalsamum vocant suauitatis eximia, sed tenui gutta, ploratu lanis parua colligitur in cornua: ex ijs nouo fictili conditur crassiori similis oleo, & in musso candida. Rubescit deinde, simulque durefcit è translucido*: nonne tres illas ætates, tresne ab Alpino elucidatas coloris, & substantiæ mutationes innuit, indicat, aperit? Abeat ergo hæc Euonymi eponyma argumentatio, & Alpini de Balsamo verè balsamea doctrina sic firma maneat, ac stabilis, vt firmæ manent, ac stabiles Alpes contra pestilentis Nothirabiem, & flamina Aquilonis.

Insurgit præterea Euonymus iste contra meam responsionem, quæ ad eius argumentum de impossibilitate faciendi iudicium de nostro Opobal-

balsamo, quia vero destituimur ex cuius comparatione falsum dignosci possit, sufficere dixi ad talem præstandam cognitionem ea inditria, quæ à Dioscoride, & alijs tradita sunt, aliàs inutilia quasi, & vana futura; infurgit inquam, & Galenum in medium affert, qui tamerli doctrina ac ingenio præstantissimus, adhuc tamen non contentus ijs, quæ ab antiquis, & Dioscoride præsertim de balsami notis scripta sunt, voluit, ut haberetur primo de Antidotis cap. 2. & 13. in Palestinam nauigare, ut ibi Opobalsamum ex arbore sua resudantem aspiceret, & ex eo particulam tanquã regulam cæteris agnoscendis apud se semper haberet. Vnde si Galenus, vel Auerroe eius malleo teste, niagiur experimenterator anceps fuit in hac re. & dubius, quomodo nobis hoc idem non accidet?

Verum ut mittam nos habere ex Serenissimorũ Principum Hæturiz myrothecio elicitam veri balsami particulam, mihi à Clarissimo talium Principũ Archiatro missam, & à me Illustrissimo Collicolæ D. meo traditam, illud pro noua responsione adnotatum velim, quod Galenus non nauigauit primaria intentione in Iudæam, sed in Cyprum, & Lemnum, huc nempe ut terram lemuiam, illuc verò ut metalla selectissima conspiceret, & hac occasione profectus in Asiam à Palastina Syria balsami liquorem purissimum detulit, ut præter notas à Dioscoride traditas hanc haberet præcipuam à visu petitam, quando optimè sciebat balsamum usque adeo pluribus artibus adulterari, ut internosci vix posset. Adeo namq. eius tempore, ut ait cap. 2. dicti libri. Qui simplices medicinas diuendebant callide illarum quasdam (ut Opobalsamum erat ex cap. 13.) concinnabant, ut exercitatissimos etiam quosque ea in re viros deciperent. An autem hoc nostro æuo tam callidi sint, & fraudulenti, qui Opobalsamum in Arabia, & Aegypto diuendunt, non auderem affirmare. Sint tamen, & adulteretur, adulteratumq. sit, quod probauimus, nosq. decepti simus, ut decipi nonnunquam solebant vel peritissimi viri Galeni tempore, an propterea talis erit error, ut Theriacæ ex hoc succo elaborata quidquam detrimenti afferat, & labis? nullo pacto. Decipiebantur etiam antiquitus, & decepti magnas componebũt cum adulterato Opobalsamo antidotos, vnuentq. varia parabant, & medicamenta, & præsertim in Græcia, quò nonnisi mixtum. & adulteratum deferrebat Opobalsamum, Theophrasto auctore; & nihilominus de Pharmacis illis ex eo confectis nullæ audiebantur querelæ, nullus excitabatur rumor. Optimum sanè ut plurimum requirebat Galenus, & purissimum ad Theriacas non modo, quas pro Imperatoribus consiciebat, sed aliquando etiam ad alia medicamenta, illudq. tale, cum habuisse verisimile est; ac quod alij Romani Proceres, qui ad instar suorum Principum Theriacam

& ipsi componebant, necnon privati homines tum medici, tum vnguentarii, à quibus pariter, Galeno referente lib. cit. cap. 4. ea coagmentabatur antidotus, optimum, & syncerum semper obtinuisse, non facile concedam.

Atqui non contenti his Aduersarij, negant quoque mixtionem, & in nostro Opobalsamo ne guttam quidem veri Opobalsami reperiri, aiunt, eorumq. præcipuum existit fundamentum, quod Venetijs, vt habent à quibusdam talis Urbis Seplasiarijs, nullus reperiatur, vel deferatur verquam verus balsami succus. At pronunciatum istud nescio quo torculari extortum. duobus mihi liccat testibus non ex infima hominum classe, sed è sublimiori litteratorum corona elicitis, contrariumq. affirmantibus comprimere. Sunt autem isti Aemilius Parisanus, & Renatus Moraus, ille Venetijs, hic Parisijs calamo, & opere magna cum laude medicinam illustrantes, & facientes. Scribit ergo Parisanus ad D. Bernardinum Messogium, anno iam imminente futurum nostrum Prothomedicum, quod non exigua reperitur in magna illa ciuitate veri Opobalsami copia, imò & Xilobalsami, cuius propterea portiunculam ad eundem misit; additq. non paucis tum ex Medicorum cætu, tum ex Aromatariorum classe, prædictorum Pharmacopolarum attestationem displicuisse. Moraus verò ad sibi, & patriam, & eruditione, ac genio, & ingenio in ampliandis bonis artibus parem, Gabrielem Naudæum de hac nostra controuersia etiam apud Gallos audita, non nihil scribens illud inter reliqua fatetur, testatuque egregius vir, se nempe in Musæis plurimum celeberrimorum, nobilissimue hominum vidisse Opobalsamum illuc Venetijs aduectum, & vt verum, ac genuinum communi doctiorum sensu repertum, & habitum.

Nec Veneti isti Pharmacopolæ idcirco dicant Opobalsami nomine non esse donandos liquores aliquos ad talem Urbem ex Orientali plagâ aliquando delatos, & nostrum præferim, quia in vasorum eos continentium fundo reperiatur nescio quæ crassities, & impuritas; nam si Galeni doctrina lib. 4. de Comp. Medic. sec. loc. cap. 5. eis fuisset nota, flocci utique facerent rationem hanc. Describens enim ibi Galenus pharmacum aridum ad tuendam oculorum valetudinem, in quod ingreditur Opobalsamum, inquit, *sit verò Opobalsamum tenue, & pellucens compage non crassum quemadmodum solet in vasis circa fundum considerare, ac spissari: quod enim ita crassum est ariditatem pharmaci impedit.* Aridum ergo, terrenum, & crassum reperitur aliquando Opobalsamum, & præcipue in fundo vasis. Præterea nonne Galenus primo de Antid. cap. 4. de huius lacrymæ bonitate agens eius aliquam speciem imperfectam adeo esse dicit, vt vinum quod Caupones vendunt respectu salerni? Quo posito, quis



quis non videt illud tam imperfectum Opobalsamum crassum debere esse in substantia, obscurum in colore, inualidum in olore, in alijsq. qualitatibus segne? Sed audiamus Galenum, qui sic loquitur. *Ceterum, ut Roma potius, quam alibi medicina simplici optima omnes haberi possit, sic quoque ab eo, qui Romæ Caesarum Antidotos conficit, singula multo magis perfecta habentur. Vinum Falernum, mel bymetium, Opobalsamum Syriacum, quod à loco in quo plurimum, & optimum provenit alterum quoque nomen accepit, Sagadinumq. dicitur, cunctis alijs melius, que in Palestina prædijs colliguntur. Quantum verò falernum vinum eo, quod Caupones vendunt præstantius est, tantum Aegyptio Opobalsamo Sagadinum vocatum antistat. Ex quibus ut colligo varios in Opobalsamo reperiri perfectionis, vel imperfectionis gradus, sic deduco non solum ex perfectiore optimam resultare Theriacam (vt erat ea, quam Casari conficere obtigit Galeno) & ex imperfectiore minus bonam, sed ex nullo, viliorem adhuc, & imperfectam magis. Vnde cum in nostra, de qua lis est, præter reliqua selecta admodum medicamenta, quæ in eius compositione tam affecere elaborata, sunt adhibita, Opobalsamum quoque tametsi non optimum, bonum tamen, & verum in ordine saltem ad eam cogmentandam, conficiendamq. ad quem finem illud à nobis approbatum est, continueatur, & adfit; Desistere profecto deberent nostri Pharmacopolæ ab ea insectanda, vsurpatoq. exagitando Opobalsamo, & quemadmodum sese demonstrarunt omni tempore tam in seligendis perfectioribus medicamentis, quam in componendis ex iisdem pretiosis Theriacæ & Mithridati Antidotis, diligentes adeo, ac peritos (vt nec ipsi, nec eorû, pharmanaca quibuscumque alijs vbiuis pofitis cedant, sic in posterum opportuniora perquirentes se tales præstare deberent, vt non alia tantum simplicia, sed Opobalsamum quoque, & vna cum ipso Carpobalsamum, & Xilobalsamum obtineant: quando iam satis, ni fallor, populari depulso errore, hæc obtineri posse, monstratum est. Desinant ergo cum Manfredi, & Panutio de primatu per Pharmacorum depressionem contendere, obtreccationibusq. omisiss, sic bona æmulatione decertent, vt opus hoc iam antea laudabiliter à Ferrante Imperato Neapoli, à Io. Pona Verona, ab Antonio Berriolo Mantue, à Bernardino Cicada Brixie, à Michaeli, & Balthassare Campijs Lucæ, à Pharmacopæis Serenissimi Magni Ducis, Florentiæ, & ab alijs alibi patratum, ipsi quoque pro nobilioribus saltem viris, & delicatis Principibus si non ad prædictorum, & Manfredi, & Panuti, imitationem, ad Galeni saltem exemplum, perficiant, & aliquam Theriacæ, & Mithridati portionem componant, & à se compositam, indicisq. meliore adinueto balsamo meliorè redditâ in suis Officinis, habeâr.*

PER-

## PERORATIO AD LECTOREM

Et magnorum virorum de eodem Opobalsamo,  
Epistolæ.



V M Propugnationes istæ sub prælo erant, & fini iam proxima, duæ mihi redditæ sunt à Clarissimis viris de hoc nostro Opobalsamo elegantissimæ Epistolæ, quas omnino corollarij veluti loco hic adiungere volui, & cū illis alteram viri pariter Clarissimi de eadem materia nostro præfenti Prothomedico inscripam. Continent namq. totum id, ni fallor, quod in hac controuersia desiderari potest. hæc vltima, nempe Parisiani, resolutionem quæstionis an sit, dum testatur Venetias aduechi Opobalsamum, & aduectum reperiri, nedum apud Nobiles, sed penès quoque Mercatores, & Aromatarios; aliæ vero duæ Veslingij, & Nardij, alterius dubij, Quid sit, dum affirmant controuersum succum verum esse Opobalsamum, non ementitum, & falsum; ille quidem vt peritus, & balsami si quis alius hoc æuo expertissimus; hic vero argumento vsus, quod præcipuum ad verum cognoscendum Opobalsamum existimauit Galenus, comparatione videlicet ad syncerum legitimumq. Quæ probandi ratio in secernenda ab adulteratis succis Balsami lacryma, tanti sit à Galeno vt quandiu illi soli penè confidit, alia videatur signa à coagulatione lactis, & macula non relinquenda in lancis pannis, vel paruipendere vt explicatu difficilia, vel negligere vt non vniuersaliter vera. Nam si, vt alijs innui, absque conditione vlla, & absolute, vt aduersarij putant, vera essent signa ista, inutilis professio remaneret Pergameni sedulitas, & superuacaneum omnino à comparatione sumptum inditium: quando nihil reperiri potest resinofum, pingue, & bene olens, quod balsamum non exsistens, & lac coagulare, & pannos non scindere potens sit. Sano ergo modo hæc ab aucto-ribus prolata intelligantur, & Galeuico interim signo præcipuus debeat locus: quo, cū doctissimus Veslingius, qui diu in Aegypto commoratus optimè scellet Balsami scientiam, & acutissimus Nardius, qui plura tractauit Opobalsami vascula in Musæo Serenissimæ Medicæ Familiæ asseruata, vsi sint; coq. & alijs etiam notis innixi, controuersum succum, verum iudicauerint Opobalsamum; pleris vtiq. faciendum est illorum testimonium, quam aliorum mille



mille ex libris solum (vtinam benè intellectis) negatiuè loquentium. Vt proinde eorum litteras in hoc loco collocare, reputauerim causæ opportunum, & legentibus non iniucundum. Antequam autem illas adscribam, oratum te volo, candide Lector, vt si quando in Propugnatiombus hisce meis tibi visus fuero, vel non omnino conformiter loqui, vel eadem quandoq. repetere, aut sine methodo, scholasticone ordine scribere, humaniter feras. Illas enim eo sine neutiquam elaborauì, vt ederem, ac in publicum proferrem, sed vt DD. Deputatis non inconsideratè nos approbasse propositum Opobalsamum, quinimò parum consideratè nostram approbationem nonnullos oppugnasse, ostenderem; idque cum ab illis, (quæ eorum est benignitas, & solertia) tum Collegæ mei, tū ego ad hanc vsque diem obtinuerimus, nihil ultra moliendum fortasse remanebat. Passus tamen sum ab amicis persuaderi, vt illæ tametsi priuatim conscriptæ, quia per multas manus etiam extra Urbem incultiores adhuc, & Amanuensium incuria mendis plenæ oberrabant, publicâ tandem aspiciant lucem horridæ saltem minus, ac mendosæ. Placuit verò eas edere sub illa prorsus forma, qua sunt exarata, vltima excepta, quam Etrusco idiomate, vt vulgari Euonymi oppugnationi satisfacerem, conscriptam, latinè reddidi, vt cuilibet excitatæ controuersie status, & progressus innotescerent, in aliud forsitan tempus mihi metipsi, aut per hæc quoque tempora alijs ordinationem tractationem, & ex methodo contendam relinquens. Eoq. vel libentius id præstiti, quia tibi, Humanissime Lector, placere studens, dum ab alijs audio maturiores, elegantioresq. præparari de hoc Balsamo Discursus quinimo iam à Peritissimo P. Castello Messanæ præparatum huc aduehi, vt mittam elegantem illum, quem dudum ab exercitatissimis Campis Aromataris Lucensibus habuisti, acerbiusculum hunc, & primum Balsami propugnati frustum, ad excitandum auidi intellectus erga meliora appetitum, offerre, non ingratum tibi fore putauì. Verum si ex illo nulla vel hausisti utilitatem, vel percepisti delectationem; En tibi, quæ vtramque suppeditare poterunt, pollicitæ Epistolæ, & ante illas notatu dignus Andreæ Casalpini locus nunc mihi ab Eruditissimo Bonanno demonstratus nulloque modo subtrahendus vt pote ad rem faciens, & à Doctissimo viro, nostrisq. Collegis olim Medico, & in Archigymnasio, meo venerando prædecessore, conscriptus. Habetur autem in Appendice ad suos libros De Plantis, & Quæstiones Peripateticas nempe in Epistola Dedicatoria his verbis. *Illud autè mirum videatur aromata preciosissima simul cum fide Christiana periclitata esse, ac reuixisse. Nam cinnamomi non deerat copia Romæ ante Neronem: Postea verò quàm in India fides Euangelij*

ab Apostolo predicata minui cepit, incipit quoque cinnamomum desiderari, etiamsi Romanum Imperium ad illas regiones tunc magis pervenisset. Resixit autem cum iterum predicari Evangelium cepisset, Lusitanis at eas terras penetrantibus, adeo ut hodie corticis eiusdem, quæ melior eius pars est, maior copia habeatur, quam apud antiquos ligni, in quo nulla gratia est. Idem contigisse videtur Balsamo Orientali, quod cum soli Iudæa datum esset, ut scribitur, expugnata à Tito, & Vespasiano ea regione non periere eius horti, imò fertiliores Romanis colentibus euaserunt, ut testatur Plinius: cum verò eadē regio sub Turcarum Imperium cecisset, unà cum fide horti omnino periere. Hodie tamen in quibusdam Aegypti, & Arabia locis repertum; unde ferri cepit ad nos integerrimus eius liquor, nunciam sperandum resurgentis fidei, quod Deus concedat. Sincerissimum autem esse illud Balsamum, experimentis traditis ab antiquis colligi potest. Contigit enim mihi optimum, & rectè vidisse apud Franciscum Medicem Magnum Ducem Etruriæ, & iterum apud Clementem VIII. Pont. Max. Liquor est pellucidus, subflavus, cuius gutta exigua aqua instillata in calice amplo statim dissiparet, non subiens aquam, sed in tota superficie dilatatur instar membranae pellucida, ac tenuissima, Caparum, quod argumentum est tenuitatis, & puritatis in nullis alijs liquoribus visum &c.

Aemilius Parisanus Romanus, Philosophus, ac Medicus Venetus.

Bernardino Missorio Romano, ac totius Ecclesiastici Status Archiatro Dignissimo. B. A.



Quum ad Veritatem temporis filium nati sumus, Excellentissime Doctor, quam diu iacere, & fallacijs obrui non permitte: quemadmodum & ipsa contra hominum caliditatem, & solertiam se per se tuetur, nedum etiam vestrum celeberrimum Doctorum sola aura. Verum quum de Balsamo, Opobalsamou meam pro conficienda, immo facta Romæ Theriaca sententiam requisisti, & si facilius silentium duxerim, quam meum responsum: pro veritate nihilominus, atque in hominis gratiam, & salutem, assentitus sum. Propterea scripsi,

scripti, Venetijs Opobalsamum reperiiri, idq. verum, & germanum iuxta Dioscoridis sententiam, & experimenta, vt me sæpius vi hñse, quinimo expertum esse confirmari, secundum, inquam, illius opinio nem quæ Veneti Aromatarij videntur, & si fallor testimonium dicent. Addidi memoria si recolo, saltem refero, hic Venetijs nunc reperiiri eiusdem Opobalsami tres, quatuorue (quod sciam) ampullas apud Nobiles Venetos, quas ex Aegypto Consules asportarunt: quæ balsama plurimi faciunt, quæque ex colore, & odore vera creduntur: propterea cuique experiri integrum esse offerunt. Quæ si vera sunt, vt per quamvcrissimam, atque volentem cuique periculum facere sit; Vt quid in dubium vertitur, nunquid Opobalsamum reperiatur? quinimo non reperiiri ajāt? Nisi omnino quis se deouerit Andreæ Matthiolo dicenti, Venetias in Italiam esse non asportari contra Dioscoridem, & experimenta, ac sensum ipsum. Addidimus, quod nostri xui Medicus Alpinus, qui in Aegypto medicinam fecit, & easdem plantas, tractus, & Opobalsamum vidit, expertus est, scripsit, & quæ Dioscorides confirmauit, sicuti quæ Theophrastus, Serapio, Aui-cenna, Plinius, Albertus Magnus, & alij graues auctores dixerunt. Caterum obijciunt valerrimi, & bella imaginationis homines huiusmodi plātas ob bella casus, refecatasq. fuisse, vel etiam incendijs perisse, quod quum contra sensum immediatè sit, sensui poenæ subijciantur. Preterquam quod etiam Deo id repugnat, Qui in Creationis principio om̃ibus creatis viuētibz, animalibzq. imperauit, crescite, multiplicamini replete terram, & quodque suam sementem producat, & factum est: siue semine planta hæc producat, siue per stolones germinet, vt ficus, olea, salix (mitimus nunc, siue per bulbos, vt in nostris De subtilitate libri primæ, & tertiæ partis demonstrauimus) & tunc factum est, inquam, vt postea certum, sicuti experientia, & sensus docent. Preterquam quod impossibile & inauditum, species perisse vnquam à Deo potissimum creatas: Vt ridiculum prorsus sit hoc excogitacem, si certum est, verum Opobalsamū ipsum apud magnos Principes, sicuti apud Nobiles Venetos, necnon hic apud Mercatores, atque ipsos Aromatarios, & Opobalsamum, Xilobalsamum, atque Carpobalsamum adesse. Obijciat aliquis; si Venetijs Balsamum inuenitur, cur Veneti Aromatarij theriacam cum Opobalsamo non parant? Prius huic oblectioni responso haud opus est scienti: Quoniam Venetijs plures Aromatarij singulis annis Theriacam conficiunt quidem; sed non ad centenarum libras, verum ad millenas ob quæstum, & lucrum, ita vt, quod nunc Venetijs extat, & reperitur Opobalsamum, nec vni illorum theriacæ sufficeret: Proinde factum puto, quod prauis homines tunc hac de causa ipsum balsamum adulterauerint: Propterea de-

inceps contigerit, quod nostrum Venetum Collegium olim nucis myristicæ oleum substituerit : & quam fortasse ob causam , Andreas Matthiolus crediderit , & scripserit Opobalsamum Venetias non asportari . Hæc mea est sententia in tui gratiam scripta Excellentissime Archiatre . Tu diu felix vine . Dat. Venet. diē 28. Ian. 1640.

Paulo Zacchiæ, & Baldo Baldio Medicis Romanis  
Præclarissimis .

Ioannes Nardius Philosophus Medicus Florentinus.  
Bene agere .



Eri Opobalsami portiunculam vitrea pyxide inclufam, vestro nomine (Viri Excellentissimi) dudū reddidit mihi Tabellarius : Quidni verum dicam Opobalsamum, haud adulterinum, fictitiumque, quod omni argumentorum, supellectile instructum, non superasse tantum, verum & præsternere trucem potest inuidiam ? Iam satis, superque reuelata est illorum fraus, qui obscuræ cuiusdam diligentie hypocrisis Balsami plantam e viuis olim concessisse, obrutamque ludææ ruinis, ugens sui desiderium nobis reliquisse, mala fide, aut ambant . Verum enim verò, qui norunt Balsamo natale solum semper fuisse Arabiam, exoticum finitimam ludæā, dubio procul piaculares illos in Naturæ nomen, & mortalium beneficentiam, non risu, sed poena multandos, tranque, fines Litterariæ R. P. perpetuo exilio damnandos, ne fucum incautis faciant in posterum, optimo suadente iure, decernent . Viuit adhuc eximia planta sub fœlicissimo Cœlo, non rara, sed frequens, nullius culture ambitiosa, etsi culturam minimè respuat, auelli tamen, atque asportari vix patitur . Quamquam verò alienis sedibus præ hospitis indulgentia, quandoque affuescat, breui tabescat alibi, præcipue verò longinquis Hesperis in oris, non est tamen, quod lacrymas transplantata supprimat, verum vberes, easq. pro more lacteas, vel leuiter, atque cutetenus solida sui in parte faucia, vbique terrarum abundè profundit . Neque profecto nobilis succi vberitas, quem lacescita planta summa erogat liberalitate, derogat quicquam propriæ incolumitati, siquidem mirabilis æconomia,

vt singulis suis partibus, viuificus olim assignatus fuit humor, sic ramis atque semini, vel post communia fara, succi illius non minima reſeruatur portio, quod ſenſuum irrefragabili criterio, curioſus, quiſque aſſequetur. Quorſum hæc inſolamabit moroſus Cenſor? nempe vt. ex hoc armamento pugnaciſſimum educam primipilum, qui tuos inuadet ordines, atque peſſundet. Manum conſeramus. Succus ille, ſeu lacryma (vtrumque ſiquidē vox illa ὀνυξ Græcis ſignificat) eiſdem penitus deprehenditur naturæ, atque conditionis cum ſucco, quo maſceſcit Xilobalfamū, atque Carpobalfamum, igitur verum erit, atque legitimum Opobalfamum ſuccas ille, nempe quem vōs tranſmiſiſtis. Probo conſequentiam, non Topicè, & ex comunibus, puta, ſi cum Scholis dixerō, quæ ſunt eadem inter ſe, ſunt & vni tertio, verum ex proprijs, & à priori; Sic verò exordiar. Vnus, idemq. penitus eſt ſuccus, quo perfruitur reſiniſera, planta ſingula, & quem ſponte, aut vi certis erogat temporibus, Balfamum verò plantam eſſe reſiniſeram nemo eſt, qui ignoret, vnus, idemq. igitur erit ſuccus, quem Balfamum profundit cum illo, quem Balfami planta ſibi reſeruat. Attexe modo ſi libet; At ſenſum certa trutina eadem penitus ſunt nota, inuicemq. cōmunicant Balfami lignum, fructus, & reſina illa, de qua nunc controuerſa, erit igitur hæc verum, atque gēnuinum Opobalfamum. Fidem iuſuper faciet dictis vberriſſima Tyroſechnia, cuius ope, atque opera, vel intra horæ ſpatium elicias, atque è medullis Xilobalfami, vel Carpobalfami non victi, effectiſue viribus, certè euocabis ſimillimum liquorem ei, quem nunc præ manibus habeo. Hæc penſitent, qui temerario auſu eſſrænes in veritatem debacchantur. Non minoris præterea eſt, quod veſtrum Opobalfamum perquàm ſimillimū obſeruo ijs, quæ varijs comparata temporibus, diuerſiſq. locata pyxidibus aſſeruātur in Ergaſterio ſelecti oribus Pharmacis dicato à Sereniſſimo noſtro Magno Duce. Cuius rei periculum ſi quis curioſus facere aueat, fautorem me habebit, cuius cuſtodix pridem commiſſa fuere. Prohibet verò in primis vitrea phiala librarum duarum pondo, quam dono olim dederat Sereniſſimo Magno Duci tranſiſco illius nominis primo, incōparabilis rerum naturalium ſcrutator Vlyſſes Aldrouandus, necnon maior altera recētori liquore reſerta, quā prædiues Mercator Ægyptius Nauium quarundam Dominus, quæ Liburni portum appulere A.S. 1615. venum dedit Sereniſſimo Coſmo II. commutauit verò, vt ferunt, liquoris vnciam cum libra argenti. Cuius Opobalfami maior pars abſumpta tunc fuit ab Aulico Pharmacopæo, quū A.S. 1633. Nobiles, atque abſolutiſſimas Antidotos conſeciſſet Ther. Androm. & Michridatum, nullis ſuccedaneis ſuſpectas, vnanimi artificum acclamatione inſignes.

& Serenissimorum praesentia illustres. Eiusdem verò Opobalsami quantum sat fuit Theriaca conficiendae in maiori Xenodochio S. Mariz Nouz nuncupato Serenissimus noster enixè rogatus, magna liberalitate dono dedit sequenti anno; mirantibus singulis, quor aderant Artis Apollineae clientibus, & succi praestantiam, & largitoris munificentiam. Neque profectò inditum abibit Opobalsamum, quo donatus fuit Magnus Dux Franciscus à Prospero Alpino: hoc verò comparatum illi, quod Turcarum Imperator eidem Serenissimo pridem dono dederat, simile prorsus deprehenditur. Addo insuper, quòd utroque collato reliquis Opobalsami phialis meae fidei commissis, quas varijs temporibus nostrae rapuerunt Tiresmes Christiani nominis hostibus, vnius eiusdemq. obseruo prorsus conditionis vnquamquamque lacrymam, accidentarijs tantummodo notis vix discrepantem à cõpari, quas quidem (vt credere par est) inuisitae vetustas. Suus postremo debetur honos Auctoribus, Dioscoridi praesertim inter Antiquos, & Prospero Alpino inter Recentiores, nempe certissimo, atque oculato testi; quorum dum scripta pensito, notasque veri Opobalsami ad seueram trutinam renoco, singulas adamussim congruere obseruo vestro Opobalsamo; has verò singulatim exponere supercedeo: non enim ignoratis (Viri praclarissimi) aliud esse Commentarij, aliud Epistolam conscribere. Facessant proinde malè feriat Scioli, qui nescio cuius dubiae notae praetextu, vestri Opobalsami dignitati succensere haud verentur: quos tamen non ignorasse par erat, quin memoria illud sedulò recoluisse, quòd

*Multa ferunt anni venientes comoda secum.*

*Multa recedentes adimunt.*

Hæc habui (Viri Clarissimi decus Urbis & Orbis) quæ vobis suasoribus tenui mea ex acerra veritati litarem. Valete (amici candidissimi) nostriq. si licet, memores. Florentiae Nonis Ianuarij A. S. MDCXLI.

Perillustri, &amp; Excellentissimo viro D. Baldo Baldo

Ioannes Veslingius S. P.



Abui tandem à Clarissimo Tomafino, quem proximis  
 spondebas litteris Balsami liquorem: cognouique simul  
 atque odorem hausi, illum ipsum esse, quem in Aegypto  
 Venetis nostris, reduces ex Arabia Mercatores venum  
 exhibent. Hoc præcipue <sup>triumphi</sup> puritatem eius asse-  
 rentes, quod aquæ incita guttula protinus in pellicu-  
 lam sese explicet, iterumq. styli cuspidè commota, col-  
 ligi tota queat, ob tenuissimj spiritus deliquium pallidior: certi reliquas  
 indolis notas, etate plus minusue prouecta facilius obdurari. Quibus  
 eò libentius suffragatum iui, quo maior succo cum recentis Carpobalsa-  
 mi sapore, & odore cognatio fuit, in quo, vt cum Hermeticis loquar  
<sup>superioribus</sup> euidentius sensuum fidem prouocat. Igitur quamuis trans-  
 missus mihi Balsami liquor, spontaneæ concretionis lacrymam suauita-  
 tem non referat, quocunque tamen artificio sit elicctus, legitimum Balsa-  
 mi antiquitus cogniti succum, adeoque Opobalsamum iudico, etiam  
 num Arabibus, Aegyptijsq. Dohon Balsam vnguen Balsami dictum. Vel-  
 lem plura, nisi publicum Anatomes officium, cui totus obstringor, ser-  
 monis prolixioris, pausam imperaret. Vale feliciter, Vir optime, & amo-  
 rem absenti conferua. Dedi Patauij xix. Ianuarij A. S. MDCXL.

F I N I S.

**P**ro Orientali Balsamo Romam aduecto Propugnatioes à Peritissimo, Exercitatisimoq. Domino Baldo Baldio in Vrbanò Almo Gymnaſio Practica Medicina Ordinario Professore, exaratas, accuratè, aq. uè ac attentè à me perlectas Reuerendiſſimi Patris Sacri Apostolici Palatij Magistri Decreto, quemadmodum pro elucidanda Problematis de Balsamo Veritate emanatas, ita Orthodoxa, Catholicaque Veritati consonas, rectisque Moribus congruas reperi: ac proinde illas & publicopralo, lectiõneque publica dignas censui, ac cenſeo Ego infraſcriptus. Et. In fidem Roma ipsa Dominica Apparitionis die MDCXXXX.

Lucas Dauittus Physicus manu propria &c.

& Ego Tiberius à Fonte ultimò Deputatus à Reuerendiſſimo Sacri Palatij Magistro idem affirmo cum supradicto D. Luca.

Tiberius à Fonte manu propria.

### Grauiora errata sic corrigantur.

Pag. 10. linea 23. lege. affirmare. 12. 25. infirmare 15 6. Mantuæ. 10. Mantuano. 17. 17. in. 36. putrum. 21. 6. manus. 33. visitatum. 24. 10. color. 25. 15. corrente, & volante. 27. 1. Lactescere. 31. Pausanias. 30. 22. acquiescit. 33 33. *μυρφινῶ* 35. Priſcorum. 37. 13. ignotum. 29. regali. 30. vt. 39. 30. *βαλσαμέλαιον*. 40. 19. Monardem. 43. 15. Γ. *καρποβαλάμου ὡς οὐ δίδωσιν*. 19. Maronitæ. 45 13. Musarumq. 46. 3. *παραμύειν*. 8. promissam. 9. & 10. *ἡλικον ἢ ἰνδὴς* 19. vetustate obſoletum. 23. temperamentis. 47. 11. peritissimis. 48. 33. nam. 55. 1. allatas. 60. 3. obtinuiſſent. 61. 32. Neapolis.



# INDEX RERVM MEMORABILIVM.

<b>B</b> <i>Balsamum est symbolum multarum rerum, &amp; eius aliqua virtutes.</i>	
<i>pag. 3. 4. 30. 40. &amp; 42.</i>	
<i>Occasio scribendi propugnationes istas.</i>	<i>pag. 5. 6</i>
<i>Opobalsamum idest succus Balsami fit dupliciter, idest per decoctionem,</i>	
<i>&amp; per incisionem.</i>	<i>pag. 6</i>
<i>Opobalsamum controuersum cuius nam sit generis.</i>	<i>pag. 6. &amp; seq.</i>
<i>Opobalsamum controuersum cuius etatis sit.</i>	<i>pag. 7. &amp; seq.</i>
<i>Argumenta ostendentia non esse verum, sed falsum.</i>	<i>pag. 8. &amp; seq.</i>
<i>Soluuntur argumenta in contrarium adducta.</i>	<i>9. &amp; seqq.</i>
<i>An Opobalsamum praedictum dicatur approbatum a toto Collegio.</i>	<i>13</i>
<i>Viri periti, qui nobiscum illud approbarunt, ut verum.</i>	<i>14</i>
<i>Reperiri hoc tempore in Oriente Balsamum qui scribant.</i>	<i>14. &amp; seqq.</i>
<i>Balsami plantas non perisse post bella, ostenditur.</i>	<i>16 &amp; seq.</i>
<i>An Balsami plante in Arabia producant succum bonum.</i>	<i>18. &amp; seq.</i>
<i>An Prospero Alpino habenda sit fides in hac materia.</i>	<i>19</i>
<i>An Opobalsamum haberi possit in aliqua notabili quantitate.</i>	<i>20. &amp; 21</i>
<i>Quare Venetys non adhibeatur Opobalsamum.</i>	<i>18. &amp; 20</i>
<i>De Balsami pretio.</i>	<i>22</i>
<i>Cur a multis saeculis careamus Opobalsamo.</i>	<i>22</i>
<i>Ad Chrisma conficiendum an requiratur balsamum Orientale, ut</i>	
<i>ad Theriacam componendam.</i>	<i>23</i>
<i>Balsamum nigrum Orientale non reperitur.</i>	<i>24</i>
<i>Macula quomodo relinquatur in panno ab Opobalsamo.</i>	<i>11. &amp; 24</i>
<i>Lac quomodo coaguletur ab Opobalsamo.</i>	<i>11. &amp; 25</i>
<i>Quale balsamum in aquam iniectum fundum petat, &amp; quale su-</i>	
<i>perficiat.</i>	<i>26. &amp; seq.</i>
<i>Opobalsamum an oleum sit, &amp; resinosum.</i>	<i>27.</i>
<i>De odore Opobalsami.</i>	<i>10. 28. &amp; seqq.</i>
<i>De Antiquorum odoramentis, &amp; quod inferioris conditionis essent</i>	
<i>nostris postmodum inuentis.</i>	<i>32. &amp; seq.</i>
<i>Statte quid.</i>	<i>34</i>
<i>Thuris praerogatiua, &amp; usus apud veteres.</i>	<i>34. &amp; seqq.</i>
<i>Balsamum Alexandro Magno notum.</i>	<i>37</i>
<i>Veteres fuerunt delicatioribus circa odoramenta, &amp; luxuriantes ma-</i>	
<i>gis quam nos.</i>	<i>37. &amp; seq.</i>
<i>Auctores qui cognouerunt balsamum Arabicum, &amp; qui non, ite-</i>	
<i>rumq. ex Alpino de odore Opobalsami.</i>	<i>38. &amp; seq.</i>
<i>Balsamum per decoctionem an bonum per os exhibitum.</i>	<i>39. &amp; seq.</i>
<i>De</i>	

# I N D E X.

<i>De coagulatione lactis, &amp; macula non relinquenda ab Opobalsamo fuso in laneam vestem iterum.</i>	41
<i>De oleo quo inungebantur Reges Hebraeorum.</i>	41. & seq.
<i>Quandiu perduret balsami virtus.</i>	42
<i>De usu Balsami apud Gracos in confectione Chrysmatis.</i>	43
<i>Theriaca Manfredi, &amp; Panuty ob multa retinenda.</i>	44
<i>Res nouiter visa in Vrbe sub hoc Pontificatu.</i>	44
<i>Veslingij epistola de Balsamo.</i>	45 & seq.
<i>Quidam Anglus, qui nuper fuit in Aegypto cur ibi non inuenerit verum Opobalsamum emendum.</i>	47
<i>De colore, odore, &amp; atate nostri Opobalsami.</i>	48
<i>Verum Opobalsamū missum auctori ab Archiatro Ser. M.D. Etruria.</i>	50
<i>Euonymus quid significet.</i>	50
<i>Balsamum post Hierosolymæ excidium adhuc in Iudæa remansisse iterum probatur.</i>	51. & seq.
<i>Idem sit de Balsamo existente propè Cayrum in Hortis Marea post Sultanos deletos.</i>	52. & seq.
<i>In Valle quoque Hierico inueniri forsitan nunc Balsamum ostenditur, nedum extitisse præhabitis sæculis.</i>	54
<i>Balsamum Arabicum pro Antidotis optimum.</i>	55. & seq.
<i>Quale Opobalsamū à Gal. &amp; Antidot. Rom. proponatur pro Theriaca.</i>	56
<i>Alpinus iterum defenditur ab Euonymi telis.</i>	57
<i>Distinctio atatum Balsami ex Gal. &amp; Plinio indicatur.</i>	58
<i>Gal. qua occasione in Iudæam nauigauit, ut Balsamum videret.</i>	59
<i>Gal. quo Opobalsamo utebatur pro conficienda theriaca, &amp; quo alij Romani.</i>	59
<i>Venetias asferri verum Opobalsamum ostenditur.</i>	60
<i>Varie Opobalsami differentie ex Gal.</i>	61
<i>Hortantur Romani Pharmacopai ad perquirendum Opobalsamum.</i>	61
<i>Qui in Italia confecerint Theriacam cum Opobalsamo.</i>	61
<i>Quare sit præcipuum signum pro dignoscendo vero Opobalsamo.</i>	62
<i>Andreas Casalpini vidit Romæ verum Opobalsamum.</i>	64
<i>Aemilij Parisani epistola, quæ testatur Venetiis reperiri verum Opobalsamum.</i>	64
<i>Io. Nardij epistola, in qua probat nostrum controuersum Opobalsamum esse verum.</i>	66
<i>Io. Veslingij approbantis nostrum Opobalsamum epistola.</i>	69

F I N I S.





12  
21  
9  
22



